

Hengetang mēgēgēlliu
pēbawiahē

1 Su tēta-tēta e kalimonan dunia e niriadi, Hengetang e seng ene.

Hengetang e kai ringangu Ruata,
ku Hengetang e mēsulung dingangu Ruata.

2 Dokeng su tētae i Sie ringangu Ruata.

3 Kēbi e niriadi wō'i Sie, ringangu wōu kēbi apang seng ene,
taweu sarang sēmbau niriadi ta i Sie.

4 Hengetang e kai simbulu pēbawiahē,
dingangu pēbawiahē e mēgēgēlliu tualagē su taumata.

5 Tualagē e susarang su kararēndung,
dingangu kararēndung e tawe makawata e.

6 Narēntae sēngkatau rarolohangu Ruata,
arengē i Yohanes.

7 I Sie rimēnta mēhabar'u tualagē ene,
tadeau kēbi taumata e mangimang.

8 I sie sēsane walineuwe tualagē ene,
kai i sie kētabeng mēlahabare.

9 Tualagē tutune makaṭualagē kēbi taumata e,
rimēnta su dunia.

10 Hengetang ene su dunia,
dunia e niriadi wō'i Sie,
kaiso dunia e tawe makakiraḷa.

11 I Sie rimēnta su soan'E sēsane,
kaiso taumatan'E tawe nēnarima i Sie.

12 Kaiso piabe lai taumata ku nēmpēnarima i Sie ringangu nangimang si Sie;
i sire niongotang'E hakē makoḷa anau Ruata,
13 ku niwantelē baḷineuwe wōu taumata,
u pēbawiahē buhu e kai wōu anum Mawu e rarēntane.

14 Hengetang e seng niriadi taumata,
ku nētana sutaloarang kite,
dingangu i kite seng nakasahidi kawawantug'E.
Kawawantugē ene seng nitarima'E tabidau Ahus'i Amang mang sēmbau.

Wō'i Sie i kite makasilo
Ruata ringangu kakēndag'E
si kite.

15 I Yohanes dimēnta kere
sahidin'E,
ku i sie mēlēhabaru:
"Seng i Sie ini e naung taku
ipēpauli:
I Sie sarung dumēnta
samurin ia e,
kai limembong kasēllahe wou
ia,
u kalāmonan ia ene, i Sie
seng tēbe ene."

16 I Sie napenēu kakēndagē;
ku tawē ēdone,
i Sie mēngalamatē si kite.

17 Torat'u Mawu e kai nitarima
i kite bou i Musa.
Arawe kakēndagē dingangu
kasasatian Duata e nilahe si
Yesus Kristus.

18 Tawēu nakasilo Mawu Ruata,
suliun Ahusē mang sēmbau,
ku mēsulung i Amang ku
kasasēmbau dingang'E.
Kai i Sie nēlahēu Ruata i
Amang si kite e.

Sasahidin Yohanes

(Mat. 3:1-12; Mrk. 1:1-8

Luk. 3:1-18)

19 Mangangawasang Yahudi
su Yerusalem nēndolohu manga i-

mang dingangu taumatan Lewi
apaakoa soḷong anung Yohanes
ku iapakibaḷo si sie, "Kai i sai i
kau?"

20 I Yohanes nēngaku malahe,
"U ia e walineuwe Ratu Mēnanaḷa-
matē."

21 "Maeng kerene, i kau kai
i sai?" angkuēng i sire, "I Elia
ngae?"

"Baḷine," angkuēng i Yoha-
nes.

"Nabi i kau e?" kakiwalon si-
re kapia.

"Baḷine," angkuēnge.

22 "Maeng kerene, pēberae si
kami mēnsang i sai i kau, tadeau
i kami makawawawe sasimbange
baug'i sire ku dimoloh'i kami.
Apa e ipauli u maanun bata-
ngengu e?"

23 I Yohanes nēberae u, "Seng
ia e ipēpauli u nabi Yesaya:


"Tau mamohang su wanua

linggi:

Teneko daralengangu

Mawu."

24 Kalawou taumata apan ni-
roloh'u tau Farisi e 25 nakiwalo,
"Kereu i kau walineuwe Ratu Ma-
nanalamatē, arau walineuwe i E-
lia, arau walineuwe lai nabi, kawe
unue i kau mēnahani?"



Soang Yerusalem (1:19)

²⁶I Yohanes simimbang, "Ia e mēnahani ringangu ake. Ara-we su taloarang kamene ute kai piā tau ta nikahēnganeng i kamene. ²⁷I Sie rumēnta samurin ia e, kalingung mēluka tāling sapatun'E e, ia e tawe wotonge."

²⁸Kēbī ini e nariadi su Betania, su sēmbēkan daki wou saluu Yordan tanpa pēnēnahaniang i Yohanes.

Ahus'u Domban Duata

²⁹Su sēngkariōellone, i Yohanes nakasilōe Mawu Yesus dūdēnta su anune. Tangu i Yohanes nēbera, "Kakēlla ēndai, Ahus'u Domban Duata nangēmū dosan dunia e. ³⁰Kai i Sie naung

taku ipēpauļiu sarung dumēnta samurin ia, kaiso kawē limembon kasēllahe wou ia, batu tēntalang ia deng tawe nipēhanae, i Sie seng tēbe ene. ³¹Kalimonan ene, ia e wēgan Sie e. Sēmbaļiau ia dimēnta mēnahani ringangu ake tadeau tau Israel e masingkaben Sie."

³²I Yohanes maļaing nēsahidi u, "Ia nakasilo Rohkē Susi natēntung kere manu paluma ēnae bou ļangi ku dimoro su pusig'E. ³³Tempo ene ia bēdawan bēga i sai i Sie. Kaiso Ruata nēndoloh'u ia e apēnēnahaning ake e, kai seng nēbera si sia, 'Maeng i kau makasilo Rohkē Susi e rumoro, ku mētumana su

sëngkatau, ute kai i Sie sarung mënahani ringangu Rohkë Susi.'
34 Iạ e seng nakasilọ'E sēsaku," angkuëng i Yohanes, "kụ iạ e nēsahidi u seng i Sie e Ahus'u Ruata e."

Manga murid'u Mawu Yesus kalahumotongang e

35 Sëngkariöellone i Yohanes ene kapia su tanpa ene e ringangu murite ruangkatau. **36** Pia e i sie nakasilo Mawu Yesus simahe, i sie nēbera, "Kakëlla e! Pai Ahus'u Domban Duata."

37 I rēdua naung murid'i Yohanes e nakaringihe manga wawera ene, tamai timole e Mawu Yesus. **38** Mawu Yesus nēbihi sarang likude kụ nakasilo si sire kaphuntolene si Sie. I Sie nakiwalọ, "I kamene kai mēdēdeạ apa?"

Angkuëng i sire, "Guru, i Tuang kai mațana suapa?" (Guru arau 'Rabi' mangalene mananēntiro.)

39 "Mahje pēmandạe hala," angkuëngu Mawu Yesus. I rēdua nahuntole si Sie, kụ nakasilọe katatanakeng'E. Orasẹ ene seng pukulẹ ẹpa bawello. Ẽllo ene i rēdua e nēngkatana dingang'E.

40 Sëngkatau wọ'i rēdua kụ seng nakaringihẹ bawerang Yohanes kụ mase timole Mawu Yesus, ute kai i Andreas, anạ sēmbau i Simon Petrus. **41** I Andreas e mēngkatewe lighạ nēdeạ si Simon, anạ sēmbau e, mase nēbera si sie, "I kami e seng bou nēsombangu Mesias!" (Mesias ute mēsulungu i Kristus kụ kai: Ratu Mananałamatẹ.) **42** I Andreas e nangētud'i Simon solong anun Mawu Yesus.

Mawu Yesus e timaedẹ^b si Simon, mase nēhengetang, "I kau e i Simon anạ i Yona. I kau sarungbe isẹba si Kefas." (Kefas mēsulung dingangu Petrus, mangalene: i wukidẹ batu.)

Mawu Yesus nẹkui si Filipus dẹduan Natanael

43 Sëngkariöellone Mawu Yesus kai napulu makoạ solong Galilea. I Sie kai nēsombang i Filipus kụ nēhengetang si sie, "Mahi e tole Sia!" **44** I Filipusẹ e kai tau Betsaida, pětatanakeng i Andreas dẹduang Petrus. **45** Filipusẹ e nēsombang i Natanael kụ nēbera si sie, "I kami e seng bou nēsombangu tau ipẹpauli i Musa

^b nēmanda mataedẹ

suralungu bukë u Torat'u Mawu, dingangu lai seng nihabaru manga nabi. I Sie kai i Yesus tau Nazaret, ana i Yusuf."

⁴⁶ Arawe i Natanael simimbang, "Mariadi wue ngae halë mapapia sumëpu bou Nazaret?"

"Pëmandæ sësanu," nisimbang i Filipus.

⁴⁷ Mawu Yesus mamanda si Natanael kädëntane, ku mēbēbisaran kakakoā i sie, "Tingangke, ene sēba e tau Israel patutune. Tawë apa halë mēlle si sie."

⁴⁸ "Kereapa wue i Tuang nakakirala si sia?" kerene kakiwalon Natanael su Mawu Yesus.

Mawu Yesus simimbang, "I Filipus deng ta nēkëkui si kau e, Ia seng tēbe mamanda si kau suaungu kalun ara e."

⁴⁹ "Tuang Guru," angkuëng i Natanael, "I Tuang e kai Ahus'u Ruata! I Tuang e kai Ratun tau Israel!"

⁵⁰ Mawu Yesus nēhengetang, "I kau mangimangu kētaben uaungu Ia nēbera u Ia seng nakasilo si kau suaungu kalun ara e? Patiku halë ku nangēlembon kasēllahe wou ene e sarungbe ikasilonu!" ⁵¹ Mawu Yesus nēhengetang kapia, "Mambeng kahëngang, pangimangke, i

kau sarung makasilo langi e matope, ringangu manga malaekat'u Mawu malintu marangeng su lantehu Ahus'u Taumata e."

Saliwangu pëkakawing su Kana

2 Dua ëllo tuhu e piako saliwangu pëkakawing su soang Kana su ëntanang Galilea, ku i ninangu Mawu Yesus malaing ene sene. ² Mawu Yesus dingangu manga murit'E nighausang lai su saliwang ene. ³ Saraeng anggorë e nasuë e, i ninang'E nēberæ su Mawu Yesus, "I sire nikasueëngu anggorë."

⁴ Mawu Yesus simimbang, "Inang, abe pëngoro si Sia e. Deng baline tempone Ia mēlahë u watangengKu."

⁵ Kaiso i ninangu Mawu Yesus nēbera su manga koki, "Mëngkate koā apan nioron'E si kamene."

⁶ Ene kai naung piā bēnsadu akë ënnungu wau mapapëllo sene, baugu panganguhaseng tuhewe tunding tau Yahudi. Bēnsadë ene pēsëmbau mangawe lohong mahasu su litere. ⁷ Mawu Yesus nēhengetang su manga koki ene, "Lohoingkong akë bēnsadë ene kēbi." Tangu i

sire nēlohōe niapakapene. ⁸ Bōu ene Mawu Yesus nēhengetang si sire, "Pēnggaingko kadodo ake ene ku bawako su anung tēmbonangu saliwang." I sire nēbawae ake ene sarang anung tēmbonangu saliwang e, ⁹ ringangu i sie nētemangke ake ku seng nēbalu nakoā anggorē. (I sie wēga wue mēnsang bōu apa asalē anggorē ene, u tumbawen koki apang nēmpēdalingu ake ene e masingka.) Tangu tēmbonangu saliwang ene himaungke su kaghiang ese, ¹⁰ mase nēbera si sie, "Tuhū tundune, taumata e mēsiliwirē u anggorē mapapia kalimona, dingangu maengbeng sake semben naundang doune, buhūewe anggorē baline. Arawe i kau e kawē nēndeso u anggorē kapiaēnge sarang orasē ini!"

¹¹ Kai ene halē nakaralinau kahumotongange kinoau Mawu Yesus. I Sie nēkoā halē ene su soan Kana su Galilea. Su halē ene e i Sie nēlahēu kasasēllah'E. Tangu manga murit'E nēmpangimang si Sie.

¹² Bōu ene Mawu Yesus rimēsung solong Kapernaum i siren ninang'E, manga anau sēmbau'E ringangu manga mu-

rit'E. I sire nēmpētana sene mangawe pira ēllo karēngue.

Mawu Yesus simuē su Walem Mawu

¹³ Saraeng Ĕllon Paskang tau Yahudi seng masandigē, Mawu Yesus nakoā e solong Yerusalem. ¹⁴ Su Walem Mawu su Yerusalem i Sie nakaēbāe maalahumbaļu u sapi, domba, ringangu manu paluma; ringangu manga mēnanaliu roitē mahungkaiang sene. ¹⁵ Mawu Yesus nēkoā gagheserē bōu tali ku nēliwuahē kalawou manga binatangē bae domba arau sapi, wou ralungu Walem Mawu. Manga medang mēnanaliu roitē e niwalintui'E hakiu roitē e mēngkatewē nēsaliawuhē tamai ramahi. ¹⁶ Bōu e i Sie nēhenge-tang su manga mēbawalū u manu paluma, "Pakasuē e hengke bōu ini apa tamai ene. Baleng AmangKu abe koā tampa u palahumbalukang!" ¹⁷ Tangu manga murit'E nakatahēndungke ayet'u Winohē Susi ini, "KakēndagēKu baug'u Walen'U, o RuataKu, makatutung naungKu."

¹⁸ Manga tēmbonangu tau Yahudi e kai rimoka Mawu Yesus, angkuēng i sire, "Kēnang

pēnodeu halē makadalinau su tēngong kami e tadeau i kami makahēngangu su tampa e wue i Kau mēkoā kereini.”

¹⁹ Mawu Yesus simimbang, ”Goghahe Baḷe ini, ku suralungu tēllu ḗllo Taku pētikang kapia.”

²⁰ Bōu e i sire nēmpēbera, ”Epa u pulo ḗnung su taunge karēngue nipamētikang ini. Bōu e i kau mamēti kapia suralungu tēllu ḗllo?”

²¹ Arawe Baḷem Mawu su timonan Mawu Yesus ute kai watangeng'E sēsane. ²² Ku tangu susamurine, saraeng Mawu Yesus niapēbangung kapia wōu kapapohong, nakatahēndungke manga murit'E u halē ene kai seng bōu nipēhengetang'E. Tangu nēmpangimangke i sire su apan mābawohe suralungu Winohe Susi e ringangu su apan iwēberang Yesus.

Mawu Yesus masingka u patiku taumata

(Mat. 21:12-13; Mrk. 11:15-17)

(Luk. 19:45-46)

²³ Tēntalang Mawu Yesus deng ene su Yerusalem su tempon pēmamantugu ḗllon Paskah, lawō taumata māngimang si Sie ualingu halē kēkoateng'E. ²⁴ Kai-

so Mawu Yesus sēsane tawē nēmpangimang si sire, watūu i Sie masingkaben sire kēbi. ²⁵ Tawe wahaḷuasē taumata mānualagu kakanoā i sai-sai si Sie, batuū i Sie sēsane seng masingkau ralungu naungu taumata.

Mawu Yesus dingangu i Nikodemus

3 Pia sēngkatau tēmbonangu agama wōu ghalipohong tau Farisi ku arenge i Nikodemus. ² Pia sēhēbi i sie rimēnta su anum Mawu Yesus dingangu nēbera, ”Tuang Guru, i kami masingkau i Tuang kai niroloh'u Ruata. Batuū kai tawēu sarang sēngkatau makakoā halē makadalinau kere kēkoateng i Tuang, kereu Mawu Ruata tawe rumēndingang i sie.”

³ Mawu Yesus simimbang, ”Pangimangke, tawēu sarang sēngkatau makoā kawanuan Dua-ta kereu i sie tawe ipēhana kapia.”

⁴ ”Makoabe kereapa taumata seng matēllang ku saū ipēhana kapia?” angkuēng i Nikodemus su Mawu Yesus. ”Lahaū i sie saube makasuē suralungu gandongang i ninange mase ipēhana karuan sulene?”

⁵Mawu Yesus simimbang, "Mambeng tēngadē baweraKu ini: Kereu taumata tawe ipēhanaḅou ake dingangu wou Rohkē Susi e, taumata ene tawe masowa su kararatuangu Mawu. ⁶Taumata tuḅu gēsī ute nipēhanaḅu u matimadē, arawe tuḅu marohkē e ute kai nipēhanaḅu u Rohkē Susi. ⁷Abe raḅinau u Ia nēbera u: i kamene harusē ipēhanaḅu kapia. ⁸Anging tumiḅu suapaeweng kapulune, i kiteḅu e makaringihē salinduhunge; kai i kau wēga wue mēnsang dimēntawe wou a ringangu mēnsang makoḅabe solong a i sie. Kerene lai apan taumata ku pinēhanaḅu bōu Rohkē Susi e."

⁹"Kereapa ene mariadi?" angkuēng i Nikodemus.

¹⁰Mawu Yesus simimbang, "I kau e mananēntiro su Israel; unḅe i kau wēga wue? ¹¹Pangimangke: i kami maḅuliḅu apang kasingkaḅu i kami, dingangu i kami e kēḅabeng mēsēsahiding apang seng kinasilong kami; kai i kamene tawe mapulu mangimang sasahiding kami. ¹²I kamene tawe mangimang kereu Ia e mēbēkeng kakakoḅa u dunia ini; kereapa i kamene mangimang, kereu Ia mēbēkeng kakakoḅa u sorga e si kamene? ¹³Tawēu sa-

rang sēngkatau nakaḅangeng su sorga e samatang i Sie ku seng nētēngkatēntung su dunia, ku kai Ahus'u Taumata e.

¹⁴Kerēwe i Musa napakarange u tēmpu witu su kalu sēmbua su wanua ḅinggi e, kerene lai Ahus'u Taumata e hinong iapakarange, ¹⁵tadeḅu kēbi taumata e mangimang si Sie, makahombang pēbawiahē tutune ringangu kakalē."

¹⁶Uaḅingu Mawu Ruata kereneḅeng kakēndage su raḅohon dunia e, hakḅu i Sie nēnarakangu Ahus'E mang sēmbau tadeḅu apan taumata ku mangimang si Sie tawe mawinasa, kaiso kawe makahombang pēbawiahē kakalē. ¹⁷Batuḅu Mawu Ruata e nēndoloh'u Ahus'E waḅinewe mēhukungu dunia e kaiso kawe mēngambang dunia e. ¹⁸Taumata ku mangimang si Sie tawe ihukung. Arawe taumata ku tawe mangimang ute seng niukungu Mawu, puhinengu i sie tawe mangimang su Ahus'u Ruata e mang sēmbau. ¹⁹I sie tētuntukang uaḅingu haḅē ini: Tualagē e seng dimēnta su dunia, kai taumata e ēndou kawe mapulung marēndunge sulungu tualagē, u kakanoḅa i sire kai raraḅaki. ²⁰I

sai-saiewen mēkēkoḗ daralākī, kai mēbēbinsiḡ tualagē; ku tawe mapulu humaung su tualagē e, maḡdiring kakanoḗ i sire raralakisē e ikasilo. ²¹Arawe i saing kawe tutuhḡ kapulun Duata e ute luḡhaung su tualagē e mēdeḗu maḡlaḡe apan seng nikakoḗe timuhḡ kapulun Duata.

Mawu Yesus dingangi Yohanes Mangangurung

²²Samurin ene Mawu Yesus dingangu manga murit'E nēngkaḗ soḡlong banuang Yudea. I Sie reng nētanaḡ kadodoḡ tempo ringangi sire ku nēnahani. ²³⁻²⁴Su tempo ene i Yohanes deng tawe naḡahungku. I sie nēnahani su Anon, masandigu Salim, batuḡ se ne kai piḗ maḡawoḡ aḗ. Taumata e mēmpahundēnta su anune, mase i sie mēnēnahani si sire.

²⁵Manga tumatoḡe si Yohanes nanētḗe nēmpēdarendehē dingangu tau Yahudi su haḡḡe u pamamurēsi e. ²⁶I sire nakoḗ soḡlong anun Yohanes ku nēbera, "Guru, i Tuang bēdang makatahēndung tau ringangi Tuang su sēmbēkan saḡu u Yordan ene, ku itētēbōu si kami kangere? Orasē ini i Sie maḡaing

mēnēnahani ku kēbi taumata e rudēnta su anun'E!"

²⁷I Yohanes simimbang, "Taumata e tawē pusakḗe ke-reu tawe ghēlirangu Mawu si sie. ²⁸I kamene hala seng nakaringihē si siḗ nēbera, 'Iḗ baḡinewe Ratu Mēnanaḡamatē. Iḗ kai nirolohē ipangalimona si Sie.' ²⁹Kaghiang bawine e kai tētaghuanengu kaghiang esē. Arawe hapḡu kaghiang esē e kēḡaben mēnanggele ringangu kapēdēdaringihe, ku maḡuasē naunge kereu makaringihē tingih'u kaghiang esē. Iḗ maḡaing kerene. Ku orasē ini e raḡuasēku e nasuku kahēngang. ³⁰Kai i Sie hinon kaḡasēllahe, arawe iḗ e kai hinong kaḡadodo e."

I Sie ku seng dimēnta wōu sorga

³¹I saing ku bōu rasḡe kai su wowong kēbi e. I saing ku bōu dunia e kai nasowa taumatan dunia ringangu maḡhumbisarang haḡḡe u maḡdunia. I Sie e ku darēntane wōu rasḡe e kai su wowong kēbi. ³²I Sie mēbēbisaran apang ku seng kinasilon'E ringangu kinaringih'E, kaiso mang tawēu sarang sēngkatau mangi-

mang su apan sasahidin'E. ³³I sai mangimang su sasahidin'E ene ute, mēngaku wue u Ruata e mambeng tēngadē. ³⁴Batu tau-mata rarolohangu Mawu mēlēhabarē manga baweran Duata, ualingu Rohkē u Ruata seng nipaloho si Sie masuku. ³⁵I Amange makēndagē su Ahus'E, ku seng nēnarakangu kēbi kawasa si Sie. ³⁶I saing ku mangimang su Ahusē ene sarung makahombang pēbawiahē tutune ringangu kakalē. Arawe i saing ku tawē satiane su Ahusē ene e tawē makahombang pēbawiahē. I sie ihukungu Mawu sarang karēngue.

Mawu Yesus dingangu tau wawinen Samaria

4 Tau Farisi e nakaringihē u Mawu Yesus nakareā dingangu nēnahani limembong kalawōe tumatolene wou i Yohanes. (²Tuhū hinone Mawu Yesus sēsane tawē mēnahani, kaiso kētaben manga murit'E.) ³Saraeng Mawu Yesus nakakasingka u tau Farisi seng nakaringihē halē ene, ute i Sie nanēntangu Yudea e ku nakoā solong Galilea. ⁴Kuteu raraleng'E ene kai harusē lumiu Sa-

maria. ⁵Tangu Mawu Yesus nahumpaen soa sēmbau su Samaria e arenge Sikhar tawē kadaune wou ēntana naung nionggo i Yakub su ana e i Yusuf. ⁶Sene kinahombangenge pahighin Yakub. Mawu Yesus mamben nasaghedu raraleng, ku i Sie naiang su wihuhu pahighi. Tempo ene pia u manga pukuļē mapuļo dua ēllorange. ⁷⁻⁸Dingangu manga tumatolē Mawu Yesus seng nēngkakoā solong soa nēmpamēlli kaēng.

Bou ene sēngkatau wawinen Samaria e rimēnta nēnimba ake. Mawu Yesus nēberae si sie, "Inang, botonge Ia mēdorong mēnginung?"

⁹Tau Samaria wawine e simimbang, "I Tuang tau Yahudi, ia tau Samaria; unue i Tuang mēdorong inumang si sia?" (U tau Yahudi e tawē pēdalāhēmpukange ringangu tau Samaria.)

¹⁰Mawu Yesus simimbang, "Kereu i kau masingkau kakēndagu Ruata ringangu i sai mēdēdorong inumang si kau, ute nasahe bue kai i kau e mēdorong mēnginung si Sie, ku i Sie sarung mangonggou ake biahē si kau."

¹¹Angkuēngu wawine ene, "I Tuang tawē tatimba, mase pahih-

ghi ini e kai mara_rlung kahəngang. Kai wou apa i Tuang makahombang ake biahə ngae? ¹²I Yakub, gaghurang i kami e nanəntangu pahighi ini si kami. I sie səsane mangala ake inumange wou ini; kerene lai manga ana e ringangu binatangə ləhikinange. Apa i Tuang mangira_rling kai nangəlem-bong kasəllahe wo'i Yakub?"

¹³"I saing ku manginung ake ini e mang sa_r marou," angkuəngu Mawu Yesus, ¹⁴"arawe i saing ku manginung ake sarung Taku ionggo e, ute semben tawe marou sarang marəngu-dəngu. U ake sarung Taku ionggo e kai mako_a simbulə sura_rlungu watangenge ku susaliwəbudə solong likude mase məgəgəlli si sie pəbawiahə tutune ringangu kakalə."

¹⁵Angkuəngu wawine ene, "Tuang, onggoleko ia ake ene, tade_au ia semben tawe marou; dingangu seng tawaha_rluasu rumənta sini məngala ake."

¹⁶"Dakoe kui e kawingu, mase pəsuleko sini," unkuəngu Mawu Yesus.

¹⁷"Ia e tawə kawinku," unkuəngu wawine ene.

"Kahəngang buə si kau," unkuəngu Mawu Yesus. ¹⁸"Batu i kau seng bou nəkawing liman sule, mase tau esə

ipədədalahikingu orasə ini e walineuwe kawingu."

¹⁹"Orasə ini ia nasingkae u i Tuang kai səngkatau nabi," unkuəngu wawine ene. ²⁰"I upung i kami e manəmba Ruata su wuludə ini, arawe kawanuan Tuang e məbəbera u kətaeng su Yerusalem tampa_ru taumata manəmba Ruata e."

²¹"Pangimangke," unkuəngu Mawu Yesus si sie, "sənsule tempo taumata e manəmba si Amang, seng balineuwe su wuludə ini, ringangu walineuwe lai su Yerusalem. ²²I kamene tau Samaria manəmba Ruata wəgang kamene, arawe i kami tau Yahudi e kawe manəmba si Sie ku seng kinasingkateng i kami, watu kasa_ralamatə e kai rimənta wou tau Yahudi. ²³Kai tempone sarung dumənta, ku seng narənta, ku dingangu kawang Rohkə Susi taumata e sarung manəmba si Amang ku nako_a Ruata kahəngang ikəkapulun Duata. ²⁴U Ruata e kai Rohkə, dingangu samatang ualingu kawang Rohkə Susi e apan taumata makapanəmba si Amang kerəwe i Sie ene."

²⁵Bawine ene nəbera su Mawu Yesus, "Ia masingka, u Ratu Manana_ralamatə (ku isəsəba si Kristus e) sarung dumənta. Ke-

reu i Sie marēnta, i Sie sarung mēhabaru patiku s̄abarang si kite."

²⁶ "Kai seng Ia e i Sie," angkuēngu Mawu Yesus, "Ia e ku seng kapēbēbisarane ringangu e."

²⁷ Su tempo ene manga murit'u Mawu Yesus e nēngkawali. I sire naherang nakasilo Mawu Yesus mēbēbisara ringangu tau wawine. Kai taweu sarang sēngkatau wou i sire nakiwalo su tau wawine ene, "I ninang kai mēgēgausē apa tangu?" arau makiwalo su Mawu Yesus, "Kawe unue i Tuang mēbēbisara ringangu tau wawine ene?"

²⁸ Tangu tau wawine ene nanētangu wēnsade ēndai sene wou e timalang solong soa ku nēbera suapan taumata sene. ²⁹ "Mahiko pēmpēmanda taumata ku mēlēhabaru kēbi apan seng bou taku nikakoā, ilēuli e si sia. I Sie ene waline Ratu Mananałamatē e ngae?" ³⁰ Tangu i sire ene małaing nēmpanētangu soa e ku nakoā solong anung Mawu Yesus.

³¹ Su orasē ene manga murit'E nēmpēmaringang si Yesus mēsिमokolē. "Tuang Guru," angkuēng i sire, "salamate mēsिमokolē."

³² Kai Mawu Yesus e kawe simimbang, "Piā be kaēng si Sia e, katewe su kawēgang kamene."

³³ Tangu manga murit'E nanēta e nahēngkiwalo u, "Kai piā u nēbawa kaēng baug'i Sie?"

³⁴ Mase Mawu Yesus nēhengetang, "Kaēngku e ute kai mēkoā kapulun Sie ku nēndoloh'u Ia, dingangu mēngganapē munara ku seng nisarakang'E si Sia. ³⁵ I kamene mēmpēbēbera u, 'Kate ēpa u wulang seng oras'u mamēnsa.' Arawe Ia tangu kai mēbera si kamene: Kakēllako manga waelē seng nēngkararirihē, ku seng hinong pēnsakeng! ³⁶ Mamamēnsae seng manēta manarima u sasewane ringangu seng makapēngomolē buane waug'u pēbawiahē tutune ringangu kakalē. Tadeau bae mēngangasie arau mēmamēnsae mahuluasēbe sēngkapahuluasē. ³⁷ Papasihing^c ini e małaing nihi-no, 'Ku sēmbau e mēngasi, arawe waline wue ute mamēnsa.' ³⁸ Ia mēndoloh'i kamene pamēnsa su waelē baline niwahētang kamene; u ene seng bou nihalē u taumata waline, ku i kamene makatarima u untunge wou munaran sire."

^c sasalili = peribahasa

³⁹Maławo tau Samaria tumaņa u soa ene nēmpangimang su Mawu Yesus, ualingu waweran tau wawine ene, "I Sie kawe maļu kēbi apan seng taku nikoā." ⁴⁰Tangu saraeng manga taumatan Samaria ene nēmpēsombangu Mawu Yesus, i sire mēdorong sēngapang botonge tadea u i Sie mētana dingangi sire. Tangu Mawu Yesus natana sene dua ěllo karēngue.

⁴¹Bou ene sauneng kakala-wō taumata nangimang su Mawu Yesus ualingu kēbi apan nitatēntiron'E si sire. ⁴²I sire nēmpēbera su tau wawine ene, "I kami nangimang orasē ini e, waline we lai ualingu waweranu si kami, kaiso kawe i kami hala seng nakaringihē si Sie, ringangu nasingka u i Sie mambeng tēngadē Mananałamatē dunia."

**Mawu Yesus napakapian
ana'u mēlahalē
u walēn datu**

⁴³Naliun dua ěllo nētana su Sikhar, Mawu Yesus nakoā solong Galilea. ⁴⁴Mawu Yesus sēsane seng nēhengetang,

"Sēngkatau nabi e tawe lēdateng su soane sēsane." ⁴⁵Arawe su tempon i Sie nahumpa u Galilea, i sire pai sene nēmpanēsomahē dingangu karaluasu naung, batu i sire kai ene su Yerusalem su ěllon Pēmamantugē Paskah, ku seng bou nakasilo kēbi apang kinoā u Mawu Yesus.

⁴⁶Bou ene Mawu Yesus nēsule solong Kana su Galilea, su pia i Sie nēmałui akē niapakariadi anggorē. Su soa ene pia sēngkatau mēlahalē u mananēmbonangu kawanua e ku anaē naung kai masakī su Kapernaum. ⁴⁷Saraeng i sie nakaringihē u Mawu Yesus kai seng nēdeā Galilea wō Yudeā, ku i sie nakoā solong anum Mawu Yesus ku mēgēgausē tadea u Mawu Yesus e rembeng masongo su Kapernaum ku deng mapakapian ana e, ku kai seng marasai.^d ⁴⁸Mawu Yesus e nēhengetang su mēlahalē u mananēmbonange ene, "Kereu i kamene tawe makasilo manga halē makađalinau e, ute i kamene tawe mēmpangimang."

⁴⁹"Tuang," angkuēngu mēlahalē ene, "tulungko ligha dēsunge

^d luhēdu = hampir mati

paḷi anaḷu e reng bēdang ta nairi.”

⁵⁰ Mawu Yesus e nēhenge-tangke si sie, ”Dakoē, anaḷu e seng nuḷe.”

Tau e nangimang su henge-tangu Mawu Yesus e, ku mase i sie napuḷe e. ⁵¹ Kutēu i sie wēdang kaḷēsunge, su raralengange pinēsombangke manga ēllange ku nēmpēbēke u, ”Ahus’i Tuang seng nuḷe.”

⁵² Mase i sie nakiwaḷo si sire, mēnsang pukuḷē pira rariḷo e nanēta nuḷe. I sire simimbahē u, ”Kahēbi manga pukuḷē sēmbau ēllo rangē lēhabe nailing.” ⁵³ Bōu e i amangu rariḷo e nakatahēndung u su tempo ene Mawu Yesus e nēhenge-tang si sie, ”Anaḷu e napia.” Tangu i sie ringangu kaḷawōu manga anaḷu sēmbau e nangimang su Mawu Yesus.

⁵⁴ Kai ene e haḷē makādalinawu karuane kinoḷu Mawu Yesus su Galilea saraḷeng i Sie narēnta wōu Yudea.

Kalaulen tau masaki su liwuḷa u Betesda

5 Bōu ene piako salimbangu tau Yahudi, tangu Mawu Yesus e natamaḷi e soḷong Yeru-

salem. ² Su Yerusalem marēduhu ”Tukad’u Domba” piako liwuḷa e sēmbau, ku suweran Ibrani isēsēba Betesda. Sene piḷa panonggene lima kaḷawōe. ³ Suapan panonggene tangu mēngkate maḷawō masasaki e maḷundaloka; piḷa u wuta, piḷa u kempaḷē, dingangu lai peosē. [I sire kēbi e mēngampaḷē pēgaghologu ake e. ⁴ Batu maḷaekatē u Mawu e kai kaḷinga luḷintu suralungu talaga e mapēgēgologu ake e. Ku masasaki kahumotongange matumpa su pēgaghologu ake e, i sie mapia wōu saki, balawe mēnsang saki apa tētaludange.] ⁵ Su tampa ene kai piḷa tau ese ku seng tēllum puḷo ualu su taunge karēngue masaki. ⁶ Mawu Yesus nakasilo si sie ruḷaloka sene ringangu masingka u i sie seng marēngu-dēngu masaki; tangu Mawu Yesus nakiwaḷoe si sie, ”Mapulu i kau e mapia?”

⁷ Tau masakie simimbang, ”Tuang, sini taweu makasowang ia suralungu talaga su pēgaghologu ake e. Ku tēntalang ia buhu e katamaine soḷong talaga e, seng piḷa taumata waline mēngalimona sumuē e.”

⁸ Tangu Mawu Yesus nēhenge-tangke si sie, ”Pēbangungke, hengke e tēpihu mase ralengke.”



Daleng sĕmbua su soan Yerusalem (5:1)

⁹Tangu su tempo ene lai tau e napia. I sie nĕhengke e tĕpihe ku bou e rimaleng.

Halĕ ene nariadi su ĕllon Sabatĕ. ¹⁰Ualingu ene manga tĕmbonangu tau Yahudi nĕmpĕbera e su tau wuhu kapia wou saki e, "Sahĕllo ini e kai ĕllon Sabatĕ. I kau tawe wotonge mĕhengke tĕpihu."

¹¹Arawe tau ene simimbangu, "Tau napakapian ia kani-

ni e, nĕngoro si sia apĕlĕhengke tĕpihĕku ringangu apađalenge."

¹²"Ku kai i sai tangu nangoro si kau e apĕlĕhengke tĕpihu mase apađaleng?" unguĕng i sire.

¹³Kai tau ĕndai buhu napia e wĕga wue mĕnsang i sai taumatane, u Mawu Yesus e seng nĕtĕngkaghĕngging sutaloraran taumata lawo e.

¹⁴Su samurine Mawu Yesus e nĕsombangu tau ene suralungu Walem Mawu ringangu nĕhenge-tang si sie, "Ini i kau e seng napia. Ku kuhae sau mĕdosa, tadeau tawe sau hombangengu li-membon karalakise."

¹⁵Mase natamai e tau ene nĕhabarĕ su manga tĕmbonangu kawanuang Yahudi u kai Mawu Yesus nakakapia. ¹⁶Ku ualingu ene i sire nanĕtae mapakasusan Mawu Yesus, batu i Sie mapakapian masasaki su ĕllon Sabatĕ.

¹⁷Arawe Mawu Yesus e nĕhengetang si sire, "I AmangKu e mang kahalĕ e sarang orasĕ ini, dingangu la e maļaing mĕlĕhalĕ."

¹⁸Manga wawera ene makadiadi^c naungu manga tĕmbonangu tau Yahudi e sauneng

^c makatapeng = membuat
5:10: Neh. 13:19, Yer. 17:21

mēdeau mēmate si Sie. I sire mēmpēkēkoā kerene walineuwe kētau ualingu i Sie lulampa atorangu agama maanun ěllon Sabatē, kaiso kai lai ualingu i Sie nēbera u Ruata kai i Amang'E; mangalene i Sie mētētēngkasulungu watangeng'E ringangu Ruata.

Kawasang Ahusē

¹⁹ Mawu Yesus simimbang si sire ene kerei, "Pangimangke Ahusē e tawe makakoā apa-apa ringangu kawasan'E sēsane. I Sie kētaeng mēkēkoā apang ikēkasilon'E kēkoateng i Amang'E. U apang kēkoateng i Amang e ene lai kēkoateng u Ahusē e. ²⁰ Batu i Amang kukēndagu Ahusē ringangu mēlēlahe u kēbi apang kēkoateng'E hala. Sude wue i Amang sarung lai mēlahe u munara limembong kasēllahe hakjēwen i kamene mēmpēdalinau. ²¹ I Amange mapēbēbangung u taumata nate ringangu mēgēlliu pēbawiahē tutune ringangu kakalē; kerene lai Ahusē e mēgēlliu pēbawiahē kakalē su taumata ku mapulu ghēlikang'E pēbawiahē! ²² I Amange tawe mēhukung si saisai. Kēbi kawasa waug'u mēhu-

kung e seng nisarakang'E su Ahus'E. ²³ I Amang nēkoā ene tadeau kaławou taumata mēngadatē Ahusē e kerewe lai i sire mēngadatē si Amang. Taumata ku ta mēngangadatē Ahusē e maļaing ta mēngangadatē si Amang nēndolohu Ahusē e.

²⁴ Mambeng tēngadē manga waweraKu ini e: I sain dudaraingihē hengetangKu ringangu mangimang si Sie nēndoloh'u Ia e, maņaghuang pēbawiahē kakalē. I sie tawe sarung ihukung; batu i sie kai seng naliwirē bou papate ringangu makahombang pēbawiahē.

²⁵ Pangimangke: Sarung dumēnta tempone – arau sembeng tempone – taumata nate sarung makaringihē tingih'u Ahus'u Ruata. Ku i sain nakaringihē e sarung mēbiahē. ²⁶ Kerewe i Amang kawe puēngu pēbawiahē, i Sie napakariadin Ahus'E lai puēngu pēbawiahē. ²⁷ I Sie seng nangonggo su Ahus'E kawasa waugu mēhukung, u i Sie kai Ahus'u Taumata. ²⁸ I kamene abe raļinau makaringihē halē ini e, batu sarung dumēnta tempone u patiku taumata nate makaringihē tingih'E. ²⁹ Mase sumēbang bou kubulē. Taumata ku naung mēkēkoā ma-

pia e sarung mēbangung ku mēbiahē. Arawe taumata ku naung mēkēkoā dalaki e sarung mēbangung tadeau ihukung.”

Kalawou karalahē maanun Mawu Yesus

³⁰”Ia e tawe makakoā apa tuhū kapuluKu hala. Ia kētaeng mēlēhukung tuhūewe ilēorong Duata. Ku putusangKu e adilē, u Ia e tawe mēkakoā kapuluKu sēsaku, kaiso kai kapulung Amang ku nēndoloh’u Ia.

³¹Kereu Ia e kai mēsēsahidim batangengKu hala, sasahidiKu e tawe hinong pangimangeng. ³²Kai piabe taumata waline mēsēsahidim batangengKu, ku Ia masingka u sasahidine e mambeng tēngadē. ³³I kamene seng nēndolohu rarolang solong anung Yohanes ku i sie seng nēsahidi kahēngang maūliu watangengKu. ³⁴Halē ini e Taku ihabarē, balinewe tadeau Ia e pia u mēsahidi, kaiso kawe mēdeau i kamene iapakasalamatē. ³⁵I Yohanes e kai tabidau solo rudelli ku mapasēnnangu tualagē. Ku kētaeng kadodo tempo e i kamene maluasē manarima tualagē ene. ³⁶Arawe sasa-

hidiKu e kai limembong kasellahe wou sasahiding Yohanes. Apang kēkoatengKu orasē ini e, ute kai munara nitilakeh’i Amang si Sia, mēlēlahē i Amange seng nēndoloh’u Ia. ³⁷Dingangu i Amang ku seng nēndolohu Ia e malaing apēsēsahidin Ia e. I kamene mambeng bēdang ta nakadingihē tingih’E arau nakasilo ghah’E. ³⁸Manga hengetang’E tawe nareso su naung i kamene batu i kamene tawe nangimang si Sia e ku seng nīdaroloh’E. ³⁹I kamene mēmpangēndung Binohe Susi batu i kamene mēngiralingu ringangu kakakoā kerene i kamene managhuang pēbawiahē tutune ringangu kakalē. Ku Binohe Susi e sēsane mēsēsahidin Ia e. ⁴⁰Arawe i kamene tawe mapulu rumēnta su anuKu tadeau makahombang pēbawiahē kakalē.

⁴¹Ia e tawe mēdareā daralo wou taumata. ⁴²Ia e makakirala si kamene. Ia masingka i kamene tawe kumakēndagu Ruata suralungu naung i kamene. ⁴³Ia e rimēnta ringangu kawang AmangKu, kaiso i kamene tawe nēnarima Ia. Arawe kereu taumata waline dumēnta ringang-

u kawasane hala, ute i kamene mēnarimaḅen sie. ⁴⁴Kereapa i kamene makapangimang kama-gengu i kamene kawe mēdeḅau makiralō su sēndinganengu, ku tawe mapulu mēgausē daralō a-salē wou Ruata māng Sēmbau? ⁴⁵Abe pēngēnnau Ia sarung mapēsalaḅang kamene su tēngon A-mang. U mapēsalaḅang kamene e kai i Musa, i sie ēndaḅ pēlēhara-peng i kamene. ⁴⁶Kereu i kamene mangimang si Musa, ute i ka-mene sarung mangimang si Sia, u apan niḅawoḅe e ute maanun Ia. ⁴⁷Arawe kamageng i kamene tawe mangimang su apang ku bēbohekang i Musa e, ute kerea-pa wue i kamene mangimang a-pang Taku ipēbēbera si kamene?"

**Mawu Yesus napakaēngu
lima hiwu su kataune**

(Mat. 14:13-21; Mrk. 6:30-44)

(Luk. 9:10-17)

6 Nararēna samurin ene Ma-wu Yesus dimaki soḅlong pai sēmbēkan danong Galilea, ku isēsēḅa lai dano Tiberias. ²Narēntae sene, tangu kai piḅ gapaēngu taumata maḅawo timolē si Sie, u i sire naung seng ḅou makasilo halē makadaḅinau kēkoateng'E makapia masasaki. ³Mawu Yesus simakaē soḅlong

buḅudē, mase naiangke ringang-u manga murit'E. ⁴Su tempo ene kai maraning Ēllon Salim-bangu Paskang Yahudi e. ⁵Piḅ e Mawu Yesus maḅanda kaihi-koa-neng maḅgēlikue, i Sie nakasilo e si sire mēgēgapaēng nahundēnta su anun'E. Ene i Sie nēbera e si Filipus, "Suapa ngae i kite makapamēlli kaēng, tadeḅau i si-re kēḅi e makakaēng?" (⁶Mawu Yesus seng masingka apa sarung koateng'E, kai i Sie nēhengetang kerene, ute kai manaḅuka si Filipus.)

⁷I Filipusē e simimbang, "Borotē arēgang dua hasu su kaḅepane roitē salaḅa e tawe ma-kakaēng baug'i sire ini, manilaing i sire kētaeng mahiau pēkadodo."

⁸Sēngkatau wou taḅoaran murit'u Mawu Yesus waḅine ku a-rengē i Andreas, anaḅ sēmbau i Simon Petrus nēbera, ⁹"Endaung piḅ dariḅ esē sēngkatau, sinasae borotē limambau dingangu kina duambua. Kai apa wue nēnggae waugu taumata kakēpaḅē kerei-ni?"

¹⁰"Apakaiangko i sire," unguēngu Mawu Yesus. Su tampa ene piḅ dēmpugē masuwenehē, ku i sire naiangke su rēmpugē ene - kaḅawoē piḅ u manga lima hiwu su kataune esē. ¹¹ḅou ene Mawu

Yesus nēngalae borotē ene mase nakitarimakasē su Mawu Ruata. Bōu e i Sie nēpapahiaen borotē ene su taumata lawo. Mase i Sie nēpapahiaen kinā ene, ku i sire nahungkaēngke nēbatu lehe i sire. ¹²Saraeng seng nēngkalaedē, Mawu Yesus nēhengetang su manga murit'E, "Kamolēko manga lēmbeng kaēng ene; kumbahangbe piā u magholo." ¹³Mase i sire nēngomolē mapulo dua su patangane napenē kalawo lēmbeng kaēng bōu borotē limambau ku nikakaēngu taumata lawo e.

¹⁴Saraeng i sire nakasilo halē makadalinau nikoā u Mawu Yesus, i sire nēbera, "Tēngadē, ini e kai nabi lēharapeng dumēnta su dunia!" ¹⁵Mawu Yesus e masingka u i sire rimēnta tadeau manihasan Sie makoā datun sire. Batu ene natama i Sie nēnggeang solong tampa bawulurange.

Mawu Yesus dimaleng su wowon ake

(Mat. 14:22-33; Mrk. 6:45-52)

¹⁶Saraeng seng kakahēbine, manga murit'u Mawu Yesus e nēmpēdēsungke solong dano e. ¹⁷Mase i sire nēmpēsake sakaeng ku nēmpēlēba dano ene, nētimona Kapernaum. Ēllo

e seng marēndung kai Mawu Yesus wēdang tawe nadēnta su anung sire. ¹⁸Kuteu rano e nanēta e nēkalitota kahiaen kaiha u anging. ¹⁹Saraeng nēsakaeng mangae lima arau ēnungu kilo meterē kalaude, i sire nakasilo e Mawu Yesus kadalenge su wowong ake, lūhaung sakaeng i sire. I sire nēngkatakue. ²⁰Arawe Mawu Yesus e kawe nēhengetang si sire, "Abe kēngkatakū, kai la ēndaunge!" ²¹Mase ringangben naung maluasē i sire nēnarima i Sie simake su sakaeng, ku su tempo ene lai sakaeng i sire nahumpa u tētimonaēng.

I sire mēmpēdēdea

Mawu Yesus

²²Sēngkarioēllone taumata lawo ku bēdang ene su sēmbēkang dano e, nakahēngangu wuhu-wuhu e kētaeng sēnggēsa sakaeng sene. I sire masingka u manga murit'u Mawu Yesus e seng nēbuā su sakaeng ene, arawe Mawu Yesus e tawe natole. ²³Samuring ene piā e sakaeng pirang gēsa wou Tiberias natuli ku nēmalango marēduhu tampa ku piā taumata lawo e mahungkaēng borotē bōu niālamateng u Mawu. ²⁴Piā e taumata lawo nakasilo e u Mawu Yesus dingangu manga

murit'E tawę dise sene, tangu i sire nęmpęsake e manga sakaeng ene ku nęngkakoę solong Kaper-naum nęmpędeę Mawu Yesus.

Mawu Yesus e kai borotę makadęntang pębawiahę

²⁵ Pię e manga taumata e-ne nęsombangu Mawu Yesus su sęmbękang dano e, i sire naki-wało si Sie, "Tuang Guru, kange i Tuang nahumpa sini?"

²⁶ Mawu Yesus simimbang, "Mambeng kahęngang i kamene mędędeę si Się bałinewe ualingu i kamene seng nakaęna timonan manga hałę makadalinau Taku nikoę, kaiso ualingu i kamene seng bou nęmpękaęng borotę sarang nęngkalaedę. ²⁷ Abe pęmpa-munara waęgu makaęba kaęng ku maşue ringangu małuhę. Pęmpamunarako waęgu makahombang kaęng ta mawawuhę dingangu makaręntang pębawiahę tutune ringangu kakalę. Kaęng ene e sarungbe ionggou u Ahus'u Taumata si kamene, batu u Sie seng niakun Duata-Amang."

²⁸ Mase i sire nakiwało si Sie, "Kai apa harusę koateng i kami tadeęu mętatahino su kapulun Duata e?"

²⁹ Mawu Yesus e simimbang, "Kai ini e ikękapulun Duata wou i kamene: pangimangke si Sie ku seng niroloh'u Ruata."

³⁰ "Kamageng kerene," unguęng i sire, "apa wue tatialane ikaonggo i Tuang tadeęu i kami makasilo ringangu mangimang si Tuang? Apa wue ku sarung koateng i Tuang? ³¹ Manga iupung i kami e nęmpękaęng manna su wanua ta taune, kere maławohe surałungu Winohe Susi, 'I Sie napakaęng i sire borotę bou sorga.'"

³² Mase Mawu Yesus e nęhengetang si sire, "Pęmpangimangke: Bałinewe i Musa, kaiso kawe i AmangKu e nangonggou borotę tutune wou sorga. ³³ Batu borotę ku nionggou u Ruata e ute kai i Sie ku seng limintu bou sorga ku mangonggou pębawiahę baęgu taumata su dunia."

³⁴ "Tuang," unguęng i sire, "onggoleko i kami borotę ene sęntinia."

³⁵ "Kai la e borotę makaręntang pębawiahę," unguęng u Mawu Yesus si sire. "I sain dumęnta su anuKu mang seng ta mahutung sarang karęngue. Dingangu i sai ku mangimang si

Sią e semben tawe marou sarang marēngu-dēngu.

³⁶ Kai kerewe seng Taku nipēbera si kamene, maningbe i kamene seng bou nakasilo si Sią, kai i kamene mang tawe mangimang. ³⁷ Kaławou taumata seng nionggo i Amang si Sią sarung mahundēnta su anuKu. Ia e tawe mēbinsi i sai-sai rumēnta su anuKu. ³⁸ Batu Ia e limintu bou sorga e, walineuwe waugu mēkoā kapuluKu sēsaku, kaiso kawe kapulun Sie nēndoloh'u Ia. ³⁹ Ku kai ini kapulun Sie nēndoloh'u Ia e: Tadeau wou kēbi taumata ku seng nisarakang si Sią, taweu sarang sengkatau mailang; kaiso kawe tadeau Ia mapēbangung i sire su Ĕllong Kiamatē. ⁴⁰ Ku ini e mambeng kapulun Amangu kahēngang: Tadeau kēbi apan seng nakasilo Ahusē ku mangimang si Sie, managhuang pēbawiahē tutune ringangu kakalē, ku Taku ipēbiahē kapia su Ĕllong Kiamatē.”

⁴¹ Apaewen tau Yahudi nanēta e nēmpēgalundung su Mawu Yesus, batu i Sie nēbera u: ”Kai Ia e borotē natēntung bou sorga.” ⁴² I sire nēmpēbera, ”Kara i Yesus ini e kawe ana i Yusuf? I kami masingkau inang-

iamang'E! Kereapa wue i Sie wahan i nēbera u i Sie natēntung bou sorga?”

⁴³ Mase Mawu Yesus nēhengetang si sire, ”Abe pēmpēgalundung. ⁴⁴ Taweu sarang sengkatau makakarēnta su anuKu, kereu i Amang nēndoloh'u Ia e tawe mēbawa si sie su anuKu, dingangu i sain dumēnta, sarung taku ipēbangung su Ĕllong Kiamatē. ⁴⁵ Suralungu bukē u manga nabi kabawohē kereini: 'Kēbi taumata e sarung tēntiroēngu Mawu Ruata.' Ku kēbi taumata apang dūdarinhē si Amang dingangu mangēndung bou i Sie, rumēnta su anuKu. ⁴⁶ Ku ene walineuwe maļu mangalene seng piāu wou nakasilo si Amang. Kētaeng i Sie rimēnta wou anun Duata e seng nakasilo si Amang.

⁴⁷ Kēngkasingkako: Taumata maimange kai managhuang pēbawiahē tutune ringangu kakalē. ⁴⁸ Kai Ia e borotē makadēntang pēbawiahē. ⁴⁹ Iupung i kamene kimaēng manna su wanua linggi, kai i sire malaing nate. ⁵⁰ Kai waline kerene su borotē ku natēntung bou sorga; i saing kumaēng borotē ene semben tawe mate. ⁵¹ Kai Ia e borotē natēntung bou sorga – borotē

ku makadentang pëbawiahë. I saing kumaëng borotë ini sarung mëbiahë sarang karëngue. Borotë ku sarung Taku ionggo baugu pëbawiah'u taumata su dunia e ute kai ghësiKu."

⁵² Sarang nakaringihë ene tau Yahudi nëmpëdarendehë lawo i sire, "Kereapa wue tau ini mangonggou ghësin'E si kite ipakikina?" angkuëng i sire.

⁵³ Mase Mawu Yesus nëhengetang si sire, "Pangimangke: Kereu i kamene tawe kumina gësin Ahus'u Taumata e ringangu tawe manginung dahan'E, i kamene mambeng kahënga-hëngang tawe makaëba pëbawiahë. ⁵⁴ I saing kumina gësiKu ringangu manginung dahaKu e managhuang pëbawiahë tutune ringangu kakalë, dingangu Taku ipëbangung su Ëllong Kiamatë. ⁵⁵ U ghësiKu e mamben kaëng kahëngang, dingangu rahaKu e mambeng inumang kahëngang. ⁵⁶ I saing kükina gësiKu ringangu manginung dahaKu, mang tatapë masëmbau dingangKu, ku Ia e masëmbau dingange. ⁵⁷ I Amang ku biahë ene, nëndoloh'u Ia dingangu Ia maiaing nëbiahë bo'i Amang. Kerene lai i saing kumina gësiKu sarung mëbiahë bou Ia. ⁵⁸ Kai ini e borotë natëntung

bou sorga: balinewe borotë ke-re nikaëng iupung i kamene. Kai saraeng kimaëng borotë ene, i sire e maiaing nate. Arawe i saing kimaëng borotë ini sarung mëbiahë sarang karëngue e."

⁵⁹ Këbi ene pinëhengetang u Mawu Yesus pia i Sie manëntiro su baalem pëkakaïomanengang su Kapernaum.

Manga wawera makadentang pëbawiahë tutune ringangu kakalë

⁶⁰ Saraeng bou nakaringihë apang hengetangu Mawu Yesus e, lawo bou taloarang manga murit'E nëmpëbera u, "Tëntiro ini tumaniu mawëha. I sai wue makatarima!"

⁶¹ Mawu Yesus sësane masingka u manga murit'E mëmpë-sësinguhutangu halë ene. Tangu i Sie nëbera e, "Apa i kamene kawe nimëngga u manga wawera ene? ⁶² Kai makoä kereapa maeng i kamene makasilo Ahus'u Taumata e mahengke kapia solong tampa e naung kalamona? ⁶³ Ku makabiahë taumata kai Rohkë u Mawu. Katatoghas'u taumata e mambeng tawë gunane. Manga wawera ku Taku pinëbera si kamene kanini ute kai manga wawerang Rohkë u Ruata ku

kai manga wawera makadēntang pēbawiahē. ⁶⁴Kaiso maļaing pia sutaloarang kamene ku tawe mangimang.” (Mawu Yesus e seng masingka dokeng bou tētae kai i sai-sai tawe mapulu mangimang, dingangu i sai ku sarung mēsuniaļ’i Sie.) ⁶⁵Mase Mawu Yesus nēhengetang kapia, ”Kai ualingu ene hakū Iā mēlēhabarē si kamene u tawēu sarang sēngkatau makakarēnta su anuKu, kereu i Amang e tawe mapakawala.”

⁶⁶Nanēta bou orasē ene maļawo bou manga murid’E nēmpañentang i Sie, ku seng tawe lai mapulu tumole si Sie. ⁶⁷Mase Mawu Yesus e nakiwaļoe su manga murid’E si sire mapulo dua e, ”Apa i kamene maļaing mapulu mēmpañentangu Iā e?”

⁶⁸”Mawu,” unguēng i Simon Petrus si Sie, ”ku kai soļong anung i sai tangu i kami e? Hengetangu Mawu e kai makadēntang pēbawiahē tutune ringangu kakalē. ⁶⁹I kami e seng nangimang dingangu nangiaking u kai i Kau Mawu e rarolohang susi wou anun Duata.”

⁷⁰Mawu Yesus simimbang, ”Kara kawē iā namile si kamene mapulo dua ini e? Sēmbaļiau

sēngkatau wou taloarang kamene kai rohkē daļaki!” ⁷¹Ku itētimo-nang Mawu Yesus e ute kai i Yudas anā i Simon Iskariot. Batu manilaing i Yudas sēngkatau wou’i sire mapulo dua murid’u Mawu Yesus e, i sie sarung mēsuniaļ’u Mawu Yesus.

Mawu Yesus dingangu manga anā u sēmbaļu e

7 Bou ene Mawu Yesus nēdaraļeng su apan tampa su Galilea. I Sie tawe mapulu soļong banuan Yudea batu manga mēngangawasan Yahudi e sene mēkēkaraki mēmate si Sie.

²Su tempo ene ute seng masandigē Ēllon Saļimbangu Selo Raukalu. ³Tangu manga anāu sēmbaļu u Mawu Yesus nēmpēbera e si Sie, ”Tēntangke tampa ini e ku kakoako soļong Yudea, tadeau manga murid’U e maļaing makasilo munaran’U. ⁴Tawē apa taumata ku sarung mēmuning apang kinoa e, kereu i sie kai mapulu tumeleng mapia. Kereu i Kau e mēkoā bue kēbi tamai ene, ute kasēllahu dunia e harusē masingka.” (⁵Batu manga anāu sēmbaļu e sēsane maļaing tawe mangimang si Sie.)



Danong Galilea (7:9)

⁶”Bēdangbe waline tempone si Sia,” unguēngu Mawu Yesus si sire, ”arawe waugu i kamene, sētinia mang botonge. ⁷Dunia ini e tawe mariadi mēbinsi i kamene. Arawe Ia e mang ipēbēbinsi dunia, ualingu Ia mēngkate hanesē mēbēbera su dunia e u kakakoꝝ e kai ralakisē. ⁸Dako e i kamene hala kakoꝝ soꝛong saꝛimbang ene. Ia e tawe tamai u reng baꝛine tempoKu.” ⁹Kerene pinēhengetang u Mawu Yesus su manga anaꝛu sēmbau e, ku i Sie natanaꝛu su Galilea.

Mawu Yesus su saꝛimbang u Selo Raukalu

¹⁰Saraeng manga anaꝛu sēmbau e nēmpētamai soꝛong saꝛimbang ene, ute marēma-rēmasē Mawu Yesus e nēbua sēsane tawē su kasingka u laꝛo. ¹¹Karēnguēwen saꝛimbang ene e, manga mēngangawasa su Yahudi e mēmpēdēdeꝛu si Sie ringangu maꝛhēngkiwaꝛo, ”Kai suapa i Sie?”

¹²Taumata laꝛo e nanēta e mēmpēsēsasiang maꝛanun Sie.

Piaben mēbēbera u: "I Sie tau-
mata mapia," Pia ewe lai
mēbēberau: "Tala! I Sie makapa-
lidē taumata lawo." ¹³ Kai taweu
sarang sēngkatau wahani mēbisa-
ra su tēngo maanun Sie, u i sire
mataku u mēngangawasan Yahu-
di.

¹⁴ Mēloaraen parahuluasē,
Mawu Yesus simuē suralungu
Balem Mawu, ku nanēta e
nanēntiro. ¹⁵ Manga mēnganga-
wasan Yahudi nēngkaherang ku
nēmpēbera u, "Kereapa wue tau
ini nakakasingka u kereng kalawo
e, sēmbaliau i Sie tawe nēsēsi-
koḷa?"

¹⁶ Mawu Yesus simimbang,
"Taku itētēntiro ini e waline-
wē tēntiroKu, kaiso kai tēntiron Sie
nēndoloh'u Ia e. ¹⁷ I sai mapu-
lu tumuhu kapulun Duata ute
sarungbe makakasingka mēnsang
tēntiro Taku itētēntiro e asale
wou Ruata arau wou Ia sēsaku.
¹⁸ I sai mēgēgēlliu tēntirone sēsane
kai mēdeau mapakasēllahen
batangenge sēsane. Arawe i sai
mēdeau mapakasēllahen Sie ku
nēndolohē e, ute i sie matulidē,
ku tawē apa pēkakakonti su wa-
tangenge. ¹⁹ Kara kawē i Musa
seng nēgēlliu manga titan Duata
e si kamene? Kai sutaloarang ka-

mene taweu timuhu manga tita
tamai ene. Kawē unūe i kamene
mēngantibē mēmate Sia?"

²⁰ Taumata lawo e nēmpēs-
imbang, "Pulu i Kau! Kai i sai
tangu mapulu mēmate si Kau e?"

²¹ Mawu Yesus simimbang,
"Kētāben halē sēmbau koateng-
Ku su ēllon Sabatē, ku i ka-
mene nēngkaherang. ²² I Musa e
nangonggou tiahān sunatē si ka-
mene - manilaing tuhu hino-
ne sunatē e baline wō'i Mu-
sa, kaiso kawē wou manga i-
upung kalimonan Musa. Ualingu
ene su ēllon Sabatē e i kamene
maḷaing mapulu mēnunatē tau-
mata. ²³ Kereu i kamene kawē
mēmpēkoḷa ene u mēdeau kum-
bahangbe lumampa atorangu su-
natē bo'i Musa, unūewe i kamene
limangehē si Sia, ualingu Ia na-
pakaulen saki u taumata patiku e
su ēllon Sabatē? ²⁴ Kumbahang-
be mapēsalan taumata tuhūewe
silon mata e, kaiso tuhūbe su ka-
tulidē."

**Kahēngang buē Mawu Yesus
Datu Mananalamatē e?**

²⁵ Samuring ene pia e pirang-
katau tau Yerusalem nēmpēbera
u, "Baline wē ini taumatane ku
pēpareakeng tadeau pateṅg e?"

²⁶ Pěmanda e i Sie mẽbėbisarawe ta konsange su tēngon lawo, mase taweu nēmpėberang apa-apa si Sie! Manga mẽngangawasang kite e kai seng makahēngang ngae u i Sie ini e kai Ratu Mananałamatė e? ²⁷ Kai kereu Ratu Mananałamatė e rumėnta, ute taweu sarang sēngkatau masingka u wou apa asal'E! Sėmbalıu i kite masingka bue wou apa asalė tau ini e."

²⁸ Su samurine, pią Mawu Yesus kapanėntirone su Bałem Mawu, i Sie nēhengetangken tingihe maiha, "Ku i kamene masingka u kai i sai Ia ini, ringangu wou a? Ia e tawe rimėnta ualingu kapuluku sėsaku. Ia e kai niroloh'i Sie ku kawasa nėndoloh'u Ia e, mase i Sie kai kapėngimangeng. Arawe i kamene tawe nakakirala si Sie. ²⁹ Ia e masingka i Sie, u Ia e kai wou i Sie asalė, ku kai i Sie nėndoloh'u Ia e."

³⁰ Su tempo ene i sire mapulu mẽname Mawu Yesus, kai taweu wahani mẽhėgo si Sie, u kai wėdang tanıdatingu tempone. ³¹ Lawo bou tałoaran sire ene nanėtae nēmpangimang si Sie ringangu nēmpėbera u, "Kereu Ratu Mananałamatė e marėnta, mẽsang i Sie makakoabe halė

makadalinau limembong kalawo wou tau ini ngae?"

Hingid'u mẽname

Mawu Yesus

³² Tau Farisi e nakaringihė u kereapa taumata lawo e mẽmpėsėsasiang maanun Mawu Yesus. Ualingu ene, i sire ringangkewen manga imang tēmbonange, i sire nēmpėndoloh'u pirangkatau wou manga mẽndariaga Bałem Mawu e apėnėname Mawu Yesus. ³³ Mawu Yesus nēhengetangke su tēngon taumata su Bałem Mawu e, "Kate kadodo tempo Ia e ringangi kamene. Bou ene Ia e sarung mẽbałi solong anun Sie ku nėndoloh'u Ia e. ³⁴ I kamene e sarung mẽmpėdeą si Sia e, kai tawe mẽsombangu Ia e; batu i kamene tawe makarėnta su tampa su apan Ia ene."

³⁵ Mase manga mẽngangawasa Yahudi e nahumbisara e sėmbau su waline, "Tau ini e kai mẽnaung makoą solong a, hakıu i kite e kawe tawe makareą si Sie? Apa i sie makoą solong anun tau Yahudi nasalıawuhė su soan tau liwu sutalaaran tau Yunani e, ku manėntiro tau Yunani ngae? ³⁶ Ku kai apa ngae timonane mẽbera u i kite sarung mẽdeą

si Sie kai tawe makareꝝ dingangu i kiteꝝ e tawe makakarēnta su tampa e ku su apan i Sie ene sene?"

Akē makarēntang pēbawiahē

³⁷Su ěllo kasamuriange wou salimbang ene, ěllo e kawan-tugange, Mawu Yesus dimarisi e suralungu Bałem Mawu mase nēhengetang, "I sain narou e rēnta e su anuku taꝝeꝝ panginung. ³⁸Arawe i sai maꝝgimang si Sia e, maꝝawoꝝe suralungu Bukē Susi e: 'Bou raꝝungu naunge luelehē manga elehangu akē ku makadēntang pēbawiahē e.'" (³⁹Mawu Yesus e mēbēbisarang haꝝeꝝ Rohkē Susi e ku sarung itarimaꝝ u apan taumata mēmpaꝝgimang si Sie. Batuꝝ su orasē ene Rohkē u Mawu Ruata e bēdawen ta nilēonggo; batuꝝ Mawu Yesus bēdawen tawe niapakawantugu kapapohong'E.)

⁴⁰Maławoꝝ taumata nakaringihē apan nipēhengetang u Mawu Yesus, ku sutałoaran sire pia nēmpēbera u, "Tau ini, nasahē e u mang nabi e!"

⁴¹Angkuēng u sēngga, "Ini e kai Ratu Mananałamatē!"

Kuteꝝ piako laꝝai nempēbera u, "Ah, unꝝe Ratu Mananałamatē e kawe rumēnta wou Galilea? ⁴²Surałungu Bukē Susi e kaꝝawoꝝe u Ratu Mananałamatē e kai hēnton Daud, dingangu sarung sumēpu bou Betlehem, ku kai wou soan Daud." ⁴³Pēngēnsueēnge taumata e nanēta e nēmpēdarendeheꝝ maꝝanun Mawu Yesus. ⁴⁴Pia u mapulu mēnameꝝ si Sie, kai taweꝝ sarang sēngkatau nanenggehu li-manē si Sie.

Manga mangangawasang Yahudi e tawe nangimang

⁴⁵Pia e mēndariagaꝝ Bałem Mawu nirolohē niapēnameꝝ Mawu Yesus kēkapuleꝝ e, manga imang tēmbonange ringangu tau Farisi e nēmpēkiwaꝝo e si sire, "Kawe unꝝe i Sie tawe niwawang kamene ramahi?"

⁴⁶Manga lukadē e nēmpēsimbang, "Uh, bēdang taꝝ apa taumata kapiane mēbisara kere i Sie!"

⁴⁷"Apa i kamene seng napalidē kareꝝ'E?" unkuēngu tau Farisi ene. ⁴⁸"Pia ngae wou tałoaran manga tēmbonag i kiteꝝ e arau tau Farisi ku pia u mangi-

mang si Sie? ⁴⁹Arawe taumata lawo ini, i sire wēga wue atorang i Musa, mase wæbe kereapa i sire kai seng niane.”

⁵⁰Sēngkatau wou taloaran tau Farisi ene ute i Nikodemus, i anue naung bou simongo su anun Mawu Yesus. I Nikodemus nēbera su tau Farisi waline e, ⁵¹”Tumuhu atorange, taumata e tawe wotonge ihukung, tēntalang katataingu pēsasalane nirēdaringihang dingangu kakanoa e nisēsuiang.”

⁵²”Apa i kau e maļaing bou Galilea?” unkuēng i sire, ”Mēngkate panēsui su Bukē susi! I kau sarungbe makasilo u tawē apa nabi ku asale wou Galilea!”

Sēngkatau wawine kinatangka nawuang

[⁵³Samurin ene, kēbi taumata nēngkapule e solong bale.

8 Arawe Mawu Yesus e natarai solong bulud'u Zaitun. ²Sēngkariōellone maluka-lukadē i Sie simuē su Baļem Mawu, ku maļawo taumata rimēnta solong anun Sie. Mawu Yesus tangu naiangke, mase nanētae nanēntiro si sire. ³Kapanēntirone e, manga mananēntirong agama ringangu manga tau Farisi e

nēbawako tau wawine nikatangka nawuang. I sire nangoro tau wawine ene niapararisi sutaļoarane, ⁴mase nēbera su Mawu Yesus, ”Tuang Guru, bawine ini nikaēbakeng kapēbaradosane. ⁵Suraļungu titam Musa e kai pia atorang u kamageng manga wawine kakakoæ kere ini ute harusē bahungangu watu sarang pakapate. Ku su tempo ini e kereapa su tinēnnang Tuang?” ⁶I sire makibaļo kerene mēdeau i sire mēnangka si Sie. Tadeau i sire makatokeng saļa si Sie. Arawe Mawu Yesus e mang kukakurung maļmohe u taļimēdone su ēntana. ⁷Saraeng i sire mēngkate mēnēnahonsang, i Sie nēpētie ku nēbera si sire u, ”Kereu sutaļoarang kamene pia u tawē dosane ute, i sie kakaļimonaēnge pamereng u watu su tau wawine ēndai e.” ⁸Bou ene Mawu Yesus kimakurung kapia ku sauewe namohe su ēntana. ⁹Saraeng i sire nakaringihē Mawu Yesus nēhengetang kerene, namehoē i sire nēmpanētangu tampa ene sēngkatau-sēngkatau nanēta bou kaghurangenge. Narale kate Mawu Yesus sēsane natēntang sene ringangu tau wawine e, ku bēdang ene su rarisikang e. ¹⁰Mase



Bongkon Zaitun (8:1)

Mawu Yesus nĕpĕtie ku nĕbera su tau wawine ene, "Suapae i sire kĕbi e? Tawĕu nĕhukung si kau e?"

¹¹ "Tala, Tuang," nisimbange.

"Kerene e," angkuĕng u Mawu Yesus, "Ia e maĕaing tawe mĕhukung i kau, ku kuhæ mĕdo-sa kapia."]

Mawu Yesus tualag'u dunia

¹² Mawu Yesus saŭ e nĕhengetang su taumata laŭo, unguĕng'E, "Kai Ia e tualag'u dunia. I sain tumole si Sia e tawe rumaleng su kararĕndung, kaiso i sie kai managhuang tualag'u pĕbawiahĕ."

¹³ "Ini e i kau nĕsahiding batangengu e", unguĕng u tau

Farisi si Sie, "Sasahidin'U e tawe katĕngade."

¹⁴ Mawu Yesus simimbang, "Manilaing Ia mĕsahidin batangengKu e kai haĕ ini e mam-beng kahĕngang; u Ia e masingka bou apa rarĕntaKu, ringangu soĕlong apa timonaKu. I kamene wĕga wue mĕnsang Ia e wou a ringangu soĕlong a. ¹⁵ I kamene mĕlĕhukung taumata tuhu tabiat'u taumata; arawe Ia e tawe mĕlahukung i sai-sai. ¹⁶ Kereu Ia e mĕhukung taumata ute, putusanku ene e matulidĕ, batu Ia e walĕnewe sĕsaku; I Amang ku nĕndoloh'u Ia e ruĕĕndingang Sia. ¹⁷ Suralungu torat'i Musa e maĕawoĕ kereini: Sasahidi kahĕngang ute kai sasahidi wou

ruangkatau. ¹⁸ Ku mēgēgēlliū sa-
sahidi waugu watangengKu e ute
kai rarua – Ia dingangu i Amang
ku nēndoloh'u Ia e.”

¹⁹ ”I Amang'U ene kai sua-
pa?” unguēng i sire.

Mawu Yesus simimbang, ”I
kamene tawe makakirala si Sia,
kerene lai si AmangKu. Mangae-
we i kamene makakirala si Sia,
ute i kamene malaing makakirala
si AmangKu e.”

²⁰ Kēbi ene seng nipēhenge-
tang u Mawu Yesus su tem-
pong i Sie mañentiro su Baļem
Mawu su rēduhu manga kasē
tampa u papello. Kai taweu sa-
rang sēngkatau nēname si Sie,
batūu bēdaweng baļine tempone.

**Su tampa Taku tamaiange, i
kamene tawe makakarēnta**

²¹ Tangu Mawu Yesus sauewe
nēhengetang si sire, unguēnge,
”Ia e sarung dumaleng, ku i ka-
mene sarung mēdeā si Sia, kaiso i
kamene sarung mate su raļungu
rosang kamene. Su tampa tamai-
angKu e, i kamene tawe maka-
karēnta.”

²² Tangu manga mēnganga-
wasan tau Yahudi nēmpēberae u,
”Aramanung i Sie kai mapulu
mētumpate, u i Sie kai nēbera u,

'Su tampa tamaiangKu e, i kame-
ne tawe makakarēnta.’”

²³ Mase Mawu Yesus e
nēhengetang si sire, ”I kamene
e kai rimēnta wou wawa; ara-
we Ia e kawē wou rasi. I kamene
kai wou dunia, arawe Ia e wali-
newe wou dunia. ²⁴ Hakiu ene Ia
nēbera si kamene u i kamene sa-
rung mate suraļungu rosang ka-
mene. Ku mamben tēngadē i ka-
mene sarung mate suraļungu ro-
sang kamene, maengu i kamene
kawē tawe mangimang u kai 'Ia e
isēsēba IA ENE'.”

²⁵ ”Ku kai i sai tangu i Kau
e?” unguēng i sire.

Mawu Yesus simimbang,
”Unue lai wēdang mēbisarang ka-
mene! ²⁶ Malaṽo lai taku ipauļi
mañanun kamene ringangu pēsā-
saļang kamene. Arawe i Sie ku
dimoloh'u Ia e kapangimangeng.
Ku Ia e mēhabarē su dunia e
apang ku seng taku kinaringihē
bo'i Sie.”

²⁷ I sire tawe nakaēnta u i
Sie kai kapēbisarane si sire mañ-
nung i Amang. ²⁸ Uaļingu ene
Mawu Yesus nēhengetang si si-
re, ”Hēdo kereu i kamene seng
napakarange u Ahus'u Taumata
e, i kamene sarung makasingkau
kai 'Ia e isēsēba IA ENE', di-

ngangu i kamene sarung maka-singka u taweu sarang sĕmbau kĕkoatengKu ku bou watangeng-Ku sĕsaku. Ia e kĕtaeng mauli u apang ku itĕtĕntirong Amang si Sia. ²⁹Ku i Sie rimoloh'u Ia e rudĕndingang Sia e. I Sie tawe manga nanĕntangu Ia sĕsaku, batuu Ia hanesĕbe mĕkĕkoā apang makalahimpulu si Sie."

³⁰Bouten Mawu Yesus e nĕhengetangu kĕbi ene, ute maławo taumata e nĕmpangimang si Sie."

Duata kahĕngang e makaliwirĕ si kamene

³¹Bou e Mawu Yesus nĕhengetangke su manga tau Yahu-di apan seng nĕmpangimang si Sie, "Kereu i kamene mĕbiahĕ tumuhu tĕntiroku, ute i kamene mambeng kahĕngang tumatole Sia, ³²tangu i kamene sarung makakirala Ruata kahĕngang, ku ualingu ene tangu i kamene ipakaliwirĕ."

³³"I kami e kai hĕnton Abraham," angkuĕng i sire. "I kami e taweu u nĕmpĕtĕtahamawu si sai-sai! Ku kai a timonan baweran'U, 'I kamene sarung iapa-kaliwirĕ'?"

³⁴"Mamben tĕngadĕ bawera-Ku ini," angkuĕngu Mawu Yesus si sire. "I sai-sai mĕmpĕkĕkoā dosa e kai ĕllangu rosa. ³⁵Ku sĕngkatau ĕllange tawe tampa natantu suralungu sĕntahankeng, sĕmbaliau ana ute kawe piabe tampa e sarang marĕngudĕngu. ³⁶Ualingu ene e, tangu kereu ana e mapakaliwir'i kamene ute i kamene mambeng maliwirĕ. ³⁷Tĕngadĕ e Ia masingka i kamene ini e kawe palahĕnton Abraham. Kaiso i kamene kawe mapulu mĕmate si Sia, ualingu i kamene tawe rumae tĕntiro-Ku. ³⁸Apang ku kinasiloKu si AmangKu e, ute ene taku ipauli. Arawe i kamene ute kawe mĕkĕkoā apan itĕtĕntirong amang i kamene si kamene."

³⁹I sire simimbang, "I Amang i kami e kai i Abraham."

"Ku kereu i kamene kahĕngahĕngang anaben Abraham," unguĕng u Mawu Yesus e, "ute nalahĕ bue u i kamene mĕmpĕkoabe apang kinoā i Abraham. ⁴⁰Ia e mauli katĕngadĕ, dingihĕku wou Ruata, arawe i kamene kawe mapulu mĕmate si Sia. I Abraham e tawe nĕkĕkoā

kerene! ⁴¹I kamene mēkēkoā apang kinoā i amang i kamene.”

Ungkuēng i sire, ”I kami e manga anāben Mawu e kahēngang. I amang i kami e mang sēmbau, kŭ kētaben Duata samatang.”

⁴²Mase Mawu Yesus nēhengetang si sire, ”Kereu Mawu Ruata e kawe i Amang i kamene ute i kamene kŭkēndagēben Ia, u rarēntaKu e kai wou anun Duata. Ia balinewe rimēnta ualingu kapuluKu hala e, kaiso kawe i Sie nēndoloh’u Ia.

⁴³Kawe unue i kamene tawe makalaēna apang Taku ipēlēhenge-tang? U i kamene tawe makararagē dumaringihē tēntiroKu.

⁴⁴Setang e kai i amang i kamene, kŭ i kamene mapulu tumole kapulung amang i kamene. Dokeng su tētæ setange kai taha pēmate. I sie tawē bēke kŭ kai manumbēka wou katēngadē batu kawai tawē katēngadē si sie. Kereu i sie mēkonti, ute ene mambeng kakakoā e, u seng kerene lulu-ne. I sie makonti ringangu asalē kai patiku kakontiang. ⁴⁵Arawe Ia e kawe mēbēberang katēngadē, kŭ ualingu ene i kamene tawe mangimang si Sia. ⁴⁶I sai wue wō’i kamene mapakalahēu kai piā dosa e si Sia? Kereu Ia mauḷiben

katēngadē e, unue wue i kamene tawe mangimang si Sia? ⁴⁷I saing asalē wou anun Duata e, i sie rŭdaringihē hengetangu Ruata. Arawe i kamene kawe waline-we wou anun Duata e, hakiu i kamene kawe tawe mapulu rumarinhē.”

Mawu Yesus dingangu i Abraham

⁴⁸Tau Yahudi e nēmpēsimbahē su Mawu Yesus, ”Balinewe nihino wawerang kami u i Kau e kai tau Samaria kŭ niwaluangu setang?”

⁴⁹Mawu Yesus simimbang, ”Ia e tawe niwaluangu setang. Ia e mēngēngadatē si AmangKu, kai arawe i kamene kawe mēlēhinakang si Sia. ⁵⁰Ia e tawe mēdareā kawawantug’u watangengKu. Kai piā sēngkatau kŭ mēdēdeā daleng sarang mapakawantug’u Ia, kŭ kai i Sie e mētatatilakehē. ⁵¹Mambeng kahēngang bawera-Ku ini e, i sain tŭtuhŭ HengentangKu e ute tawe mate sarang karēngue.”

⁵²Mase tau Yahudi e nēbera e su Mawu Yesus, ”Ini e i kami nakaēna u i Kau e mambeng kahēngang nisawelangu setang! I Abraham sēsane seng nate, kŭ kerene lai kaḷawou manga nabi.

Arawe unguēngu kawē, 'I sain tūtuḥu baweraKu, tawē mate sarang karēngue.' ⁵³ Kereu i Abraham sēsane seng nate ringangu kalawou manga nabi e seng nate, ku i Kau ini e ute i sai? Tawē nasowa suakalē i Kau ini e ku limembong kasēllahe wō'i amang i kami i Abraham!"

⁵⁴ Mawu Yesus simimbang, "Mangawē Ia mēdēdeḥa kawawantugē baḡu watangengKu halā, ute kawawantugē ene tawē mangalēne. Mapakawantug'u Ia e kai i AmangKu ku ēndaj su ēnnang kamene kai Ruatang kamene, ⁵⁵ sēmbaliḡu i kamene tawē nakakiraḡa si Sie. Arawē Ia masingka i Sie. Mangawē Ia e nēbera u Ia tawē nakakiraḡa si Sie, ute tangu ia e sēngkatau kontiang, mēsulung i kamene. Ia e masingka i Sie ringangu ruḡaringihēbe hengetang'E. ⁵⁶ I amangu i Abraham mēngkate maḡuasē u i sie sarung makasilo ēlloKu. I sie seng nakasilo ku i sie maḡuasē!"

⁵⁷ Mase tau Yahudie e nēmpēbera su Mawu Yesus, "Umur'U e wēdang tawē natimu ḡimam puḡo su taunge, ku i Kau e seng nakasilo si Abraham?"

⁵⁸ Mawu Yesus simimbang, "Membang tēngadē Ia mēḥabarē si kamene: u kalāmonan i Abraham nipēhana, Ia e seng tēbe ene."

⁵⁹ Mase tau Yahudi e nēm-pangalā e watu ku mangēntung Mawu Yesus; arawē Mawu Yesus kai nēkēmbuni mase nanēntangu Baḡem Mawu e.

Mawu Yesus napēkēlan tau wuta kapia

9 Ene, Mawu Yesus kaḡalenge, i Sie nakasiloko tau wuta rokeḡewen i sie pinēhana. ² Kuteḡu manga murit'u Mawu Yesus e nakiwaḡo si Sie, "Tuang Guru, kawē unḡe tau ini e pinēhana buta? Apa ualingu i sie nēdosa, arau kawē ualingu rosan inang dingangu iamange?"

³ Mawu Yesus simimbang, "I sie nawuta walineḡe ualingu rosane arau walineḡe ḡai ualingu rosan inang dingangu i amange, kaiso kawē tadeḡu taumata makasilo kawasan Duata mēkēkaradiahang suralungu watangenge. ⁴ Tēntalāng wēdang piḡa ēllone, i kiteḡe e harusē mēkoḡa munaran Sie rimoloh'u Ia e. Hēbi e sarung dumēnta, ku semben ta-

kapēhalēkangu sarang sēngkatau.
⁵ Karēngūewen Ia e su dunia ini,
 Ia e kai tualag'u dunia."

⁶ Bōuten nēhengetang kere-
 ne, Mawu Yesus e nangēdu
 su ēntana, kŭ ēdu e nikong-
 ke ringangu ēntana. Mase ni-
 wuhan'E su matan tau ene, ⁷ ma-
 se kapēberane si sie, "Dakoē
 pēndēmūsē su liwuā u Siloam"
 (Siloam mangalene 'Nirolohē'.)
 Tangu tau ene tamai nanguhasē
 gatine. Su tempon pēbawalī e, i
 sie seng nēkēlla.

⁸ Manga lampunge ringang-
 u apau taumata kŭ seng nāung
 makasilo si sie mētētaharorong, i
 sire nēmpēbera, "Balīnewe i sie
 ngae sēntiniā kŭkaiang mētētaha-
 rorong?"

⁹ Pia u nēmpēbera, "Akŭ
 mang i sie." Kai pia lai mēbēbe-
 rau, "Walīne, i sie kētau mēpēpa-
 pangawē tau ene."

Kai tau ene sēsane nēbera u,
 "Kai ia e."

¹⁰ "Kai kereapa katatainge
 sarang i kau e nakasilo?" ung-
 kuēng i sire si sie.

¹¹ I sie simimbang, "Tau a-
 renge i Yesus e nēngongke lēbo
 kadodo, niwuhane su matakŭ
 kapēberane u, 'Dako e rēmūsē
 gatinu su liwuāu Siloam.' Ma-
 se ia e natamai. Kŭ su tempon

ia mēdēndēmūsē gatiku e ia e
 nēkēlla."

¹² "Kai suapa tau ene?" ung-
 kuēng i sire.

I sie simimbang, "Bēga wue
 ia."

**Tau Farisi mēnēnēsui halē u
 kalaulen sakī ene**

¹³⁻¹⁴ Sahēllo ene kai ēllon
 Sabatē natarangke Mawu Ye-
 sus nēngongke ēntana ringangu
 ēdun'E mēdeāu tau wuta e maka-
 silo. Tangu tau nāung bōu nawu-
 ta ene niwawa solong anun tau
 Farisi. ¹⁵ I sire maļaing nakiwalō
 su tau ene kereapa katatainge
 sarang i sie nēkēlla. I sie simim-
 bang, "I Sie nangunon lēbo su
 matakŭ bōu e taku niuhasē e ma-
 se ia e nēkēlla."

¹⁶ Pirangkatau wōu taļoaran
 manga tau Farisi e nēmpēbera u,
 "Tau ene tawe mariadi kŭ mēkoā
 halē bōu anun Duata batŭu i Sie
 kai tawe mēndarekengu ēllon Sa-
 batē."

Angkuēngben balīne u, "Ke-
 reapa wue kŭ tau waradosa e
 makakoā karalīnau kerene?" Ene
 nariadiē pērararendehē su taļo-
 aran sire.

¹⁷ Tangu tau Farisi e naki-
 walōe su tau ene kapia, "Kereapa

wue su naungu maanuen tau nakapia si kau?"

"I Sie kai nabi," angkuengu tau ene.

¹⁸Kai arawe mangangawang Yahudi e tawe mangimangu tau ene kawe wuta reng dokeng kalamona, ku ini e seng makasi-
lo. Ualingu ene ute i sie kimui ghaghurang e, ¹⁹ku nakiwalo, "Kahengang anau ini e nipahana buta? Ku kai kerea i sie sarung nekella orasē ini?"

²⁰I ninang dingangu i amangu rario e simimbang, "Mambeng kahengang ini e ana i kami; dingangu i sie mambeng kahengang buta rokeng nipahana.

²¹Arawe kereapa sarang i sie nakasilo e, i kami e węgawue. Dingangu i sai nakapekella si sie ute, i kami e malaing bega wue. Pakiwalowe si sie, u i sie seng matellang, ku seng makasimbang hala." ²²I ninang dingangu i amang e nebera kerene e watu i sire mataku u manga tembonangu tau Yahudi; u i sire kai sengkanaung u i sai mengakun Yesus e kai Ratu Menanamate, sembeng tawe ipakawala sumue su walen pekakalio-manengang. ²³Ualingu ene hakiu i ninang dingangu i amangu tau

ene nempbera u, "I sie seng matellang ku pakiwaloe si sie."

²⁴Mase i sire sauwe nekui tau lennau wuta e ku nebera si sie, "Pesaloe u i kau mambeng mēhabaru katulidē. I kami e masingka u tau ene mambeng tau waradosa e."

²⁵"Apa i Sie marosa arau tala," unguengu tau ene, "ia e wēga wue. Kai keteng pia halē sēmbau su singkaku; kangere ia e wuta, arawe ini e ia seng nekella."

²⁶Mase i sire sauwe nebera si sie, "Pinekapuraneng i kau e kahian Sie? Nekoā kereapa i Sie si kau, sarang nekella?"

²⁷Tau ene simimbang, "Seng bou taku niwēke si kamene, kai i kamene tawe mapulu rumarinhē. Unue i kamene mapulu mēdaringihē kapia? Aramanung i kamene kai mapulu mariadi tumatolen'E ringang?"

²⁸Mase i sire nempedohang^f si sie ringangu nebera, "O kai i kau murit'E; i kami e waline. I kami e kai murit'i Musa. ²⁹I kami e masingka u Mawu Ruata seng nehengetang si Musa. Arawe maanun tau ene e, i kami e wēga wue mēsang bou apa asal'E."

³⁰ Tau ene simimbang, "Nakalaherang bue maeng i kamene wëgang asal'E, sëmbariau i Sie seng napëkëllan ia e. ³¹ I kite masingka u Mawu Ruata e tawe rumaringihë taumata waradosa e, kaiso kawë su taumata mëngadatë Mawu ringangu mëkëkoä kapulun'E. ³² Dokeng su tëta u dunia tawë bëke reng nakaringihë u pia taumata makawekesë matan taumata wuta wou karariadine. ³³ Kereu tau ene waline wou anun Duata, i sie tawe makakoä manga apa."

³⁴ Ungkuëng i sire, "Apa i kau napenë u rosa reng dokeng pinëhana, manëntiro lai si kami e?" Tangu nanëta bou orasë ene i sie nisëding sumuë wu walëmpëkakaliomanengang.

Buta su pëngangimang

³⁵ Mawu Yesus nakaringihë u i sire seng mëšëšëding u tau ene sumuë su walëmpëkakaliomanengang. I Sie nëdeä tau ene ku nëhengetang si sie, "I kau e mangimang su Ahus'u Taumata?"

³⁶ Tau e simimbangke, "Kai i sai sie Tuang? Tulungko pauli tadeäu ia mangimang si Sie."

³⁷ "I kau e seng nakasilo si Sie," unguëng u Mawu Yesus. "I Sie ku orasë ini kapëbëbisarane ringangu."

³⁸ "Ia mangimang, Mawu!" unguëngu tau ene, bou e nëtumpëkuhë su tëngom Mawu Yesus.

³⁹ Mawu Yesus nëhengetang, "Ia dimënta su dunia ini e kai mëdeäu mëtatilakehë tadeäu tau wuta e makasilo, ringangu taumata makasilo e mawuta."

⁴⁰ Tau Farisi pirangkatau apan sene nakaringihë Mawu Yesus nëhengetang kerene, mase i sire nëmpëkibało si Sie, "Su tinënnanu i kami e wuta lai?"

⁴¹ Mawu Yesus simimbang, "Manga i kamene wuta, ute i kamene tawë dosane. Kai ualingu i kamene mëmpëbëbera u, 'I kami e makasilo,' ene mëlëlahëu i kamene wëdang mararosa."

Papinintun domba ringangu mëngangaha e

10 "Mambeng tëngadë he-ngetangKu ini: I sain sumuë su tëndä u domba ku lumempangu pagarë ku balinewe wou tukadë, kaiso kawë mëbawi bou ralenge waline e ute kai tahatako ringangu tahapëhampasë.

²Arawe i sain sūsuē bōu tukadē e, ute kai i sie mēndaḷukadē domba e. ³Mēndaḷukadē domba e maṇope tukadē baug'i sie, mase domba e ruḍaringihē tingihe su tempon i sie mēkēkui si sire su arenge sēmbau-sēmbau dingangu mēngēgaha i sire apaṣēbang soḷong likude. ⁴Saraeng manga domba e seng nasēbang mēngangaha e rumaleng su horone ku manga domba e maḥuntoḷe si sie batu i sire makakiraḷa tingihe. ⁵I sire tawe mapulu tumoḷe taumata waḷine, tabeḷu katewe mahuntalang bōu anun tau ene batu tawe makakiraḷa tingihe."

⁶Mawu Yesus nēbēken papi-nintu ene, kai i sire tawe makaēna apa wue tētmonaēng'E.

Mawu Yesus mēndaḷukadē mapia

⁷Tangu Mawu Yesus nēhengetang saḷ sēnsuḷe, "Mamben tēngadē hengetangKu ini: Kai Ia e tukadē baugu domba. ⁸Kēbi apan dumēnta mēngalimona Sia e kai tahatako ringangu tahapēhampasē, kai manga domba e tawe mēmpēḍaringihē tingih'i sire. ⁹Ia e kai tukadē. I sain sumuē bōu anuKu e masalaḷamatē;

i sie masuē masēbang dingangu makaēba pēbawiahe. ¹⁰Tahatako e kētaeng dumēnta mētako, mēmate ringangu mēnggolang. Arawe Ia e rimēnta mēdeḷu tau-mata makahombang pēbawiahē – ku pēbawiahē e mēḍēḍalembō.

¹¹Ia e mēndaḷukadē mapia. Mēndaḷukadē mapia e kai maṇarakangu watangenge wau-gu manga dombane. ¹²Taumatā nisewaēngē ku baḷinewe mēndaḷukadē dingangu waḷinewe taghuangu manga domba ene, sarung mahuntalang ku mēnētangu manga domba e keru i sie makasilo piḷ sarigala rimēnta. ¹³Taumatān sewa e kai tumalang, u i sie nēhaḷē e kai uaḷingu nisewaēng. I sire tawe agise mēpandung manga domba e. ¹⁴⁻¹⁵Ia e mēndaḷukadē mapia. Kerewe i Amang kawē masingka i Amang, kerene lai Ia masingka u manga dombaKu, ringangu i sire maḷaing masingka u Ia. Ia nēnarakangu niawaKu waug'i sire. ¹⁶Piḷbe lai manga domba waḷine maḷaing tataghuanengKu, kai tawe nasowa su ghapaēngu domba ini. I sire lai hinong taku ahakeng ku i sire sarung dumaringihē tingihēKu. I sire kēbi

sarung mariadi ghapaëng sëmbau ku mëndaḷukade sëngkatau.

¹⁷I Amang kukëndagu Ia u Ia nënarakangu niawaKu e mëdeau saube taku ikatarima kapia. ¹⁸Taweu sarang sëngkatau makapëngalaḷa bou Ia. Ia e nënarakang kai ualingu kapuluKu halala. Ia e kawasa mënarakang, dingangu kawasa lai mangule kapia. Kai ene halëKu nitarima bo'i AmangKu."

¹⁹Ualingu Mawu Yesus nëhengetang kerene, tangu taumatan Yahudi e nanëtae nëmpëdarendehë. ²⁰Lawo bo'i sire nëmpëbera u, "I Sie kai nisawelangu rohkë dalaki! I Sie kai pulu! Baugu apa i kamene rima-ringihë si Sie?"

²¹Kai piabe lai nëmpëbera u, "Taumata ku nisawelangu rohkë dalakisë e tawe mëbisara kerene. Botonge setange mapëkëllan taumata wuta?"

Tau Yahudi e tawe mapulu mënarima u Mawu Yesus

²²Ene su Yerusalem taumata e kai kapësalimbange, Ëllon Pananusi Baḷem Mawu. Su tempo ene kai tempong banua maralënding. ²³Kuteu Mawu Yesus mëdëdaralengke su Gandariang Salomo suralungu Baḷem Mawu,

²⁴piã e tau Yahudi e nëmpëdënta nëtalipurung su rëduh'u Mawu Yesus. I sire nëmpëbera si Sie, "Kadëngue i kami e mëngkate ipëbëbimbong? Pauliko pakaḷahe, maengbe i kau kahënga-hëngang Datu Mananalamatë."

²⁵Mawu Yesus simimbang, "Seng bou taku nipëhengetang si kamene, kaiso i kamene mang tawe mangimang. Kaḷawou munara taku këkoateng su areng'i Amangku e mënënode u karalahe e maanun Ia. ²⁶I kamene tawe mangimang batu i kamene tawe nasowa su ghapaëng u manga dombaKu. ²⁷Manga dombaKu e ruḍaringihë tingihëKu. Ia masingkaben sire, ringangu i sire maḥuntoḷe si Sia. ²⁸Ia e mangonggou pëbawiahë kakalë si sire ku sarang karëngue i sire tawe mawinasa. Ku taweu sarang sëngkatau makapëhampasë si sire wou limaKu. ²⁹I AmangKu e seng nanarakang i sire si Sia, li-membon patiku e. ³⁰Ia dingangu i Amang kai sëmbau."

³¹Mase tau Yahudi e nësaḷewe nëmpangalaḷa batu e ipëngëntung Mawu Yesus. ³²Kai Mawu Yesus e nëhengetang si sire, "I kamene seng nakasilo si Sia nëkoã kaḷawou halë mapapia parentang AmangKu e si Sia. Bou

kēbī haḷē tamai ene tangu kai sude e nakawodai si kamene mapulu mangēntung si Sia?"

³³Taumatang Yahudi e nēmpēsimbang, "Balīnewe ualingu munaran'U mapapia e i kami nakapēngēntungu watu si Kau, kaiso ualingu i Kau kawē nēhinakang Duata. I Kau e sēngkatau taumata ku mapulu mētēngkakoā batangeng'U Duata."

³⁴Mase Mawu Yesus simimbang, "Kara kai maḃawohē su bukē u torat'i kamene: Duata e nēhengetang, 'I kamene kai mahang duata'? ³⁵I kite masingka u apan maḃawohē su Winoḃe Susi e mapake sarang karēngue. Ku kereu Mawu Ruata nēsēḃa u mahang 'duata' su taumata apan nēmpēnarima u hengetang'E, ³⁶unue i kamene mēberawe si Sia u Ia kawē nēhinakang Duata ualingu nēbera u Ia Ahus'u Ruata? Sēmbaḷiau Ia kawē pinilen Amang ku nirolohē sarang dunia. ³⁷Kereu Ia tawē mēkoā munara ku seng niator'i Amang e, ute kumbahangbe mēmpangimang si Sia. ³⁸Kai tangu ualingu Ia mēkēkoā ene, ute kēngkahimang bue suapan taku kēkoatenge, maningbe i kamene tawē mapulu

mēmpangimang si Sia. Ualingu ene ute i kamene masingka dingangu makaēna u i Amang e sēntinia maḃasēmbau dingangu. Ku, kerene lai Ia e sēntinia maḃasēmbau dingangi Amang."

³⁹I sire mēdēdeḃa lai ralengu mēmpēname Mawu Yesus, kuteu i Sie naung nakalēsō bou i sire.

⁴⁰Mawu Yesus tangu nēsule e solong sēmbēkang saḷu u Yordan, su tampa i Yohanes naung nēnahani, mase nētana sene. ⁴¹Maḷawo taumata maḃundēnta su anun Sie. I sire mēmpēbēbera u, "I Yohanes tawē mēkakoā manga haḷē maḃadalinau, kai kēbī apan ipēpauḷi e maanun tau ini e mang kahēngang." ⁴²Mase maḷawo taumata sene nēmpangimang su Mawu Yesus.

Kapapaten Lazarus

11 Tau arenge i Lazarus maḃana su Betania dingangu manga wawinene i Maria rēduan Marta. ²I Maria e kai tau wawine nanēbohu ḷana mawēngi su ḷaedu Mawu, mase niēmḃu u uta e. Pia su sēsule i Lazarus nasaki. ³Bawinene rarua e nēhabarē su Mawu Yesus, "Mawu,

mahuaneng kandua kəkapiaəngu e nasaki."

⁴Saraeng Mawu Yesus naka-ringihə habarə ene, i Sie nēhenge-tang, "Saki ini e tawe makapate. Ini e nariadi mēdeəu Mawu Ruata e bantughang, dingangu ualingu ene tangu Ahus'u Ruata e maiaing bantughang."

⁵Mawu Yesus e kəkəndagi Marta, i Maria, ringangi Lazarus. ⁶Kai pia e Mawu Yesus nakahombangke habarə u i Lazarus masaki, i Sie nētatudə natana sene rua əllo wəđang! ⁷Bou ene wuhə e i Sie nēhengetang su manga murit'E, "Boete i kite mēsule solong Yudea."

⁸I sire nēmpəsimbang, "Tuang Guru, bəđang ta nađarena tau Yahudi e maŋəntungu watu si Tuang, bou e ini i Tuang e seng saḡ mēbaḡ tamai?"

⁹"Kara kawe mapulo dua su kaorasə sahəllo?" angkuəngu Mawu Yesus. "I sain duđaləng su tempong əllo e tawe masangkong, batu i sie makasilowe tualagu dunia ini. ¹⁰Arawe i sain duđaləng hēbi e masangkong; batu tawə apa tualagə si sie." ¹¹Kerene unguəngu Mawu Yesus. Bou ene i Sie saḡewe lai nēbera, "Hapi i kite i Lazarus e

seng nətiki kai Ia e reng tamai mēmuko si sie."

¹²Manga murit'u Mawu Yesus e nēmpəbera, "Mawu, maeng i Lazarus kawe mētətiki, ute i sie sarungbe mapia."

¹³Timonan Mawu Yesus ute kai i Lazarus seng nate. Arawe su ənnan sire ute Mawu Yesus kai maḡi u i Lazarus mēngkate mētətiki matagə. ¹⁴Ualingu ene Mawu Yesus e nauḡ mahatedə si sire u, "I Lazarus e seng nate. ¹⁵Kaiso Ia maḡuasə lai Ia e tadie paise, batu kai limembong kapiane si kamene, tadeəu i kamene makapangimang. Boete i kite tamai sarang anun Lazarus."

¹⁶I Tomas isəsəba, "si Hindu" nēbera su manga hapi e manga murit'u Mawu Yesus, "Mahi e i kite tumole, balə e sengkakate i kite dingang'E!"

I napəbiahə kapia ringangu nēgəlliu pəbawiahə

¹⁷Pia e Mawu Yesus narənta e su tampa ene, i Lazarus seng epa u əllo karəngə su kubulə.

¹⁸Soan Betania e maraning Yerusalem, ku mangawe təllung kilometerə karaune. ¹⁹Maḡawo tau Yahudi seng nahundənta nətowo si Marta rəduan Maria e

měmpěhiborě si rědua ualingu kinapateėngu mahuaneng dędua.

²⁰ Saraeng i Marta nakaringihě u Mawu Yesus e naręnta, i sie siměbang kų nanęnsomahě Mawu Yesus, arawe i Maria e natana su wale. ²¹ Angkuęng i Marta su Mawu Yesus, "Mawu, kai mangawewe Mawu ene sini su tempo ene, ute nalahę u mahuaneku e wiahě bue. ²² Manilaing kerene, ia e masingka u orasę ini e Ruata maļaing sarung męgęlliu patiku apan dędorongan i kau Mawu e si Sie."

²³ "Mahuanenu e sarungbe saų mębiahě," unkuęngu Mawu Yesus si Marta.

²⁴ I Marta e simimbang, "Ia e masingkau i Lazarus sarungbe saų mębiahě su tempon taumata nate e apębangung kapia su Ellong Kiamatę e."

²⁵ "Kai Ia e mangonggou pębawiahě dingangu mapębangung u taumata nate," angkuęngu Mawu Yesus si Marta. "I saing kų mangimang si Sia e sarung mębiahě, maninglai i sie seng nate. ²⁶ Dingangu taumata wiahě apang mangimang si Sia e sarang karęngue tawe mate. Mangimang bue i kau su halę ini e?"

²⁷ "Mawu," unkuęng i Marta, "ia mangimang su Mawu Ahus'u Ruata, Datu Mananaļamatę e kų sarung dumęnta su dunia ini e."

Mawu Yesus simangi

²⁸ Saraeng i Marta nębera kerene, i sie tamai nękui si Maria tuarine, kų simiang si sie, "Tuang Guru ene sini; i Sie e makibalong kau." ²⁹ Nakaringihě kerene ute, i Maria męngkatewe masahawų nębangung, kų nanęnsomahě Mawu Yesus. ³⁰ Su tempo ene, Mawu Yesus będangben tawe nasuę u soane. I Sie wędang su tampa nipęsombangeng i Marta. ³¹ Tau Yahudi apan kapęlēhibore si Maria su wale, nakasilo si Maria nębangung, dingangu masahawų siměbang; kų i sire tamai timole si sie, u katihọ i sire, i sie kai sarang lębing sumangi.

³² Pia e i Maria nahumpa su tampa u Mawu Yesus kų nakasilo si Sie, i Maria męngkatewe nętumpękuhě su tęngon'E ringangu nębera, "Mawu, Kai manga Mawu e ene sini su tempo ene, ute mahuaneku e tawe nate."

³³ Pia e Mawu Yesus nakasilo si Maria susangi, dingangu

tau Yahudi apan maḥundēnta ringangi Maria e maḷaing maḥunsangi, naung'E mēngkate masusa, ku i Sie kakēllaēng e mēngkate apa luḷahunsusa. ³⁴Tangu i Sie nakiwaḷoḷe si sire, "Kai suapa i sie nilēbing i kamene?"

"Maḥi e pēmanda, Tuang!" unguēng i sire.

³⁵Mase Mawu Yesus simangie. ³⁶Tangu tau Yahudi e nēmpēberae, "Kakēllae, waḷinewe maḷongko kakēndag'E si Lazarus!"

³⁷Kai piḷa boḷu taḷoaran sire ku nēmpēbera u, "I Sie ma- kapēkēllawen taumata wuta e, kai unḷe wue i Sie tawe makata- huntēnda i Lazarus tadeḷu kum- bahang mate?"

I Lazarus nipēbiahē kapia

³⁸Mawu Yesus saḷewe na- susa-susa naunge, ku i Sie natamai soḷong pēndaḷēbingang. Pēndaḷēbingang ene e naung kai liang sēmbau piḷa lahēpinge watu gēguwa.

³⁹"Alingko watu ēndaḷ e," unguēngu Mawu Yesus.

I Marta, wawineng tau nate ene simimbang, "Mawu, i sie kai seng ēpa u ēllo su kubulē, ku kai seng dimaruru!"

⁴⁰Mawu Yesus nēhengetang si Marta, "Karaḷ kawe seng taku niwera si kau; kereu i kau mangimang, i kau sarung makasi- lo kasēllahu kawang Duata e!"

⁴¹Tangu i sire nēmpēlunggien ba- tu ene. Boḷu ene Mawu Yesus di- maḷingara soḷong ḷangi ku nēbera u, "Tarimakase Amang, u i kau e seng dimaringihē si Siḷa. ⁴²Iḷa masingka u i kau mēngkate ha- nesē duḷaringihē si Siḷa, arawe Iḷa mēbēbera kere ini e, baugu tau- mata apan ene sini, tadeḷu i sire mangimang u kai i kau nēndo- loh'u Iḷa e." ⁴³Boḷeten nēbera ke- rene, Mawu Yesus nēbansagē tingihe maiḷa, "Lazarus sēbang- ke!" ⁴⁴Tangu simēbangke tauma- ta naung seng nate ene. Li- mane ringangu laede wēdang kaḷapikungu heka kakēngkaing dingangu ghatine wēdang maḷatakā u heka tatukus'ē gati. "Oḷohēko kakēngkainge, tadeḷu i sie tawe masahaghe rumaleng," unguēng u Mawu Yesus su tau- mata ḷawo apan sene.

Gapaëngu rumaroka
Mawu Yesus

(Mat. 26:1-5; Mrk. 14:1-2)

(Luk. 22:1-2)

⁴⁵ Lawo bou taumatan Yahudi e nempedenta netiwo si Maria, nempangimang su Mawu Yesus pia i sire nakasilo hale naria-di ene. ⁴⁶ Arawe pirangkatau wo'i sire nengkako solong anun tau Farisi ku nempauli u apang kinao u Mawu Yesus. ⁴⁷ Ualingu ene tau Farisi ringangu manga imang tembonange netampung nempəkakereapa ringangu manga kasasellahengu Ratē u agama. Ungkueng i sire, "I kite e kai hinon mekapu? Tau ini kai seng neko karalina malawo! ⁴⁸ Maeng i kite mengkate mapakawalan Sie kereini ute kebi taumata masue mēmpangimang si Sie. Ku pengensueenge mangangawasa Roma e katewe rumenta menggoghahē Balem Mawu, dingangu kebi kawanuang kite e!"

⁴⁹ Sengkatau wo'i sire iseseba si Kayafas, imang masellahē su taung ene nebera, "I kamene wegawen apa-apa. ⁵⁰ Kai tanakaenna i kamene u wau-gu kasasalamat'u anau kawanua e, endokangbe sengkatau mate sulungu kawe kebi kawanua

e mawinasa?" ⁵¹ Tuhu hinone i Kayafas nelahe u ene, balinewe wo tinennane sesane. Kaiso kawe kere sengkatau imang masellahē su taung ene, nanēbalē u Mawu Yesus e sarung mapohong baugu tau Yahudi. ⁵² Ku balinewe ketau waugu tau Yahudi sematang, kaiso malaing baugu mengomole dingangu mapakasembau u manga anau Ruata ku seng nempəkaliaesē e.

⁵³ Naneta bou sahēllo ene i sire tembonangu Yahudi e sengkanaung memate Mawu Yesus. ⁵⁴ Ualingu ene Mawu Yesus e seng tawe netengkatode su tengon lawo sutaloaran tau Yahudi. I Sie nanentangu Yudea wo ene nako solong soa arenge Efraim maraning banua linggi. Ku sene i Sie sengkapetana dingangu manga murit'E.

⁵⁵ Su tempo ene Salimbangu Paskang Yahudi e seng masandigē. Lawo taumatan soa rarodo e seng nempesaka solong Yerusalem mēmpēndalengu tundun pemamuresi watangenge mengantibē pemamantugu ello ene. ⁵⁶ I sire mēmpēdeē Mawu Yesus, ku su tempoen matatampung su Balem Mawu e ute i sire nempēberae sembau su waline, "Kereapae su tinennang kame-

ne? Aramanung i Sie tawe sumongo susalimbang ini." ⁵⁷I sire nĕmpĕberang ene u manga imang gaghere dingangu tau Farisi e seng nanĕbangu parenta u i sai masingka mĕnsang suapa Mawu Yesus e, harusĕ mĕhabaru ene, tadeau i Sie ikasame.

**Mawu Yesus nisĕbohangu
ĵana mawĕngi su soan
Betania**

(*Mat. 26:6-13; Mrk. 14:3-9*)

12 Ĕnnungu ĕllo kaĵamonan Salimbangu Paskah, Mawu Yesus e nakoĵa solong Betania. Su soa ene pĕtĕtanakang i Lazarus tau e niapĕbangung' E wou papate. ²Sene Mawu Yesus e nipĕsaken sire, ku i Marta e nakoĵa mĕsasiliwirĕ e. I Lazarus dingangu manga sake e naiang sĕngkapĕngidopĕ dingangu Mawu Yesus. ³Ene i Maria e nasongĕe ringangu ĵana mawĕngi narwastu maĵĕga-lĕgadĕ e mangawe malorara su litere. I sie namĕmbingu ĵana ene su laed'u Mawu Yesus, bou ene niĕmmu u utā e. Ku kaguwau wale ene mĕngkatewe rimalurung bĕngin lana e. ⁴Arawe i Yudas Iskariot, sĕngkatau wou murit'u Mawu Yesus – ku samurine kawe nĕsunial'i Sie – kawe

nĕbera, ⁵"Unuĕ lana mawĕngi ene tawe niĕbawau e ringangu roitĕ salaka arĕgane tĕllu hasu su dinare ku doite nipĕgaghĕlliko su taumata apang kasiang?" ⁶I Yudas nĕbera kerene walineuwe ualingu i sie kawe mĕnĕnitĕ taumata kasiang, kaiso kawe ualingu i sie tahatako. I sie masau mangala doitĕ bou tatahoĕngu roit'u lawo kaĵareso si sie.

⁷Mawu Yesus nĕhengetang, "Balā e kere sĕsane wawine ĕndai e! I sie nĕkoĵa kerene kai ĕllon pĕndaĵĕbing Sia e. ⁸Tau kasiange mambeng hanesĕbe ringang i kamene, arawe la e tala wue."

Dumaroka si Lazarus

⁹Maĵawo tau Yahudi naka-ringihĕ u Mawu Yesus kai ene su Betania, ku i sire nĕngkakoĵa solong tampa ene. I sire natamai walineuwe tumbau ualingu pia i Yesus, kaiso maĵaing ualingu i sire mapulu mĕmanda si Lazarus ku sen niapĕbangung wou papatene kahian Sie. ¹⁰Hakiu ene manga imang tĕmbonange maĵaing mapulu mĕmate si Lazarus; ¹¹ualingu i sie nakawodai tau Yahudi maĵawo nanĕntang i sire ku nĕmpangimang su Mawu Yesus.

**Mawu Yesus simuë su
Yerusalem piã pëhëngkinge**

(*Mat. 21:1-11; Mrk. 11:1-11*)

(*Luk. 19:28-40*)

¹² Sëngkariõellone taumata lawo ku seng narënta waugu mëmantugë ëllon Paskah naka-ringihë u Mawu Yesus e seng kaðalenge mëtimona Yerusalem.

¹³ Tangu i sire nëmpangala e manga raungu korma mase nahunsëbang nanënsomahë si Sie, kapëmpëgione, "Hosana! Kaañamatengko i Sie rimënta su arengu Mawu. Kaañamatengko Ratun Israel!"

¹⁴ Mawu Yesus nakahombangke kalide kawuhuang sëmbau ku nisakeënge. Tangu natuhu e kereewe maðawohe su Winohe Susi:

¹⁵ "Abe kataku, sangiangu Sion!

Kakëlla e mahi Ratunu e,
maiangke su wowon kalide
kawuhuang!"

¹⁶ Su tempo ene manga murit'u Mawu Yesus bëdang ta nakaëna këbi ene. Kuteu saraeng Mawu Yesus niwantughangken kapapohong'E, buhu e i sire nakatahëndung apang kinoa

u taumata si Sie kai seng kaðawohe suralungu Winohe Susi e mañanun Sie.

¹⁷ Apan taumata ku ene su tempon Mawu Yesus nëkui si Lazarus apaðëbang bou lëbing dingangu niapëbangung i sie wou papatene, mang mëmpësesahiding halë ene. ¹⁸ Hakiu ene taumata lawo e nëngkakoã soñonganun Mawu Yesus u i sire naka-ringihë u kai i Sie nëkoã kañaherang ene. ¹⁹ Tangu manga tau Farisi e nëmpahumbisara sëmbau su waline, "I kite e tawe makakoã manga apa! Kakëlla e, sënaung dunia e nëmpëtole si Sie!"

**Tau Yunani pirangkatau
mëmpëdëdeã Mawu Yesus**

²⁰ Bou tañloaran taumata nëngkakoã soñong Yerusalem mëmpëkañiomaneng suturen pëðarañuasë e kai piã tau Yunani pirangkatau. ²¹ I sire himaung si Filipus ku nëbera, "Anu, kereu wotonge, i kami kai mapulu mësombang u Mawu Yesus." (i Filipus e asañe kai wou Betsaida su Galilea.)

²² Tangu i Filipus tamai mëhabaru ene si Andreas, ku bou ene irëdua nëhabarë su Mawu

Yesus. ²³Mawu Yesus nēhenge- tang si sire, "Seng tempone Ahus'u Taumata ipakawantugē. ²⁴Mambeng tēngadē baweraKu ini: Kereu wakīu gandum sēmbau tawe suangeng su ěntana e ku mate, ute i sie mang k̄atana sēmbau. Arawe kamageng u wakī u gandum ene mate, ute i sie wuh̄e mēbua maławo. ²⁵I sai mētētundēka su pēbawiahe, sarung kailangengu ene. Arawe i sai mēbēbinsiū pētatumbiahe su dunia ini e, sarung makatanudē baugu pēbawiahe tutune ringangu kakalē. ²⁶I sai mapulu mētangkiang si Siā e harusē tumolē Siā; tadeau mētatangkiangKu e makataking bue si Siā e suapaewen Ia ene sene. I sai mētangkiang Siā e sarung adateng i AmangKu."

Mawu Yesus mēbēbisara maanun kapapohong'E

²⁷"NaungKu e t̄utaghiawahē; apa e Taku ipēbera su orasē ini e? Arau Ia mēberaeng, 'Amang, liuko Ia b̄ou orasē ini e tangu'? Kaiso paghudu mambeng kahombangeng u tempon sigēsā ini e nakakarēnta si Siā e. ²⁸Amang,

apakawantugēko areng'U!" Tangu nakaringihe tingihē b̄ou langi mauli u, "Ia seng b̄ou naman- tugē, dingangu sarung lai mamantugē kapia."

²⁹Taumata lawo ku ene sene nakaringihē bue tingihē ene. Ungkuēng i sire u, "Ene kai rēllu!" Kai piako lai nēbera u, "Baline! Kai malaekatē mēmēmi- sara si Sie!"

³⁰Mase Mawu Yesus nēhe- ngetang si sire, "Tingihē kina- ringihē e, walineuwe waugu kapiang batangengKu, kaiso kai wau- gu kapiang kamene. ³¹Ini e seng tempone dunia ihukung; kai orasē ini e mangangawasang dunia e nipakawatang. ³²Arawe Ia e, ke- reu Ia e seng iapakarangē b̄ou dunia e, ute kēbi taumata e Taku sarung pakasue wolengang solong anuKu." ³³I Sie nēhengetang ke- rene ute kai mēlēlahēu saheng kapapohong'E sarung.

³⁴Taumata lawo e nēbera si Sie, "Tumuh̄u toratē e, Datu Mēnanalamatē e sarung mēbiahē sarang karēngu e. Ku kerapa i Kau makapēbera u Ahus'u Tau- mata e harusē iapakarangē su wowon dunia e? I sai tangu A- hus'u Taumata e?"

³⁵ Mawu Yesus simimbang,
 "Tumbaeng bangu kadodo tempo tualagë e ene sutaloarang kamene. Ku pëmpahundalengke tentalang tualagë e wëdang ene, tadeau i kamene kumbahang karëndungang. I sain dudaleng suralungu kararëndung e bëgawen timonane mënsang solong a.
³⁶ Pëmpangimangke su tualagë e, u karënguëwen tualagë e wëdang ene ringang i kamene, tadeau i kamene mariadiwe manga ana u tualagë."

Tau Yahudi apan ta mangangimang

Bouten Mawu Yesus nëhengetang kerene, i Sie nëngalingke wou ene ku tawe mapulu mëtëngkatode u watangeng'E si sire. ³⁷ Manilaing seng malawo halë makadalinau kinoa u Mawu Yesus e su tëngon sire, kai i sire mang tawe mangimang si Sie. ³⁸ Tangu naghanape tëbalu nabi i Yesaya,

"Mawu, i sai wue mangimangu habar'i kami? Kai si sai kawasan Mawu e ipakalahë?"

³⁹ Kai ualingu ene i sire tawe mëmpangimang, u i Yesaya seng bou lai nanëbalë u,

"Mawu nëhengetang,
⁴⁰ 'Ia mapakawutan matang sire, ringangu mapakarapa lu naung i sire; tadeau i sire tawe makasilo, ringangu maðiring i sire makaënna.

Tadeau i sire kumbahang mëbali su anuKu, ku mapakaulen sire.'"

⁴¹ I Yesaya nëluntingihë kerene, u i sie seng nakasahidi kasëllahu Mawu Yesus, ringangu mëbëbisara maanun Sie.

⁴² Manilaing kerene, lawo taumata ore lai sutaloarang mëngangawasang Yahudi nangimang su Mawu Yesus. Kai i sire tawe wahani mëngakung ene ipakalahë, batu i sire matakü kiwau tau Farisi e tawe mapakawalan sire sumuë su balem pëkakaliomanengang. ⁴³ I sire ëndokang u mapulu makahombang daralon taumata sulungu mëtatalahino su tëngom Mawu Ruata.

Hengetang u Mawu Yesus sarung mëhukung

⁴⁴ Mase Mawu Yesus nëhengetang, "I sai mangimang si Sia e, walinewe si Sia i sie

mangimang e, kaiso kawē si Sie kŭ nĕndoloh'u Ia e. ⁴⁵ Dingangu i sain nakasilo Sia, ute nakasilo si Sie nĕndoloh'u Ia e. ⁴⁶ Ia rimĕnta su dunia ini e kai kere tualagĕ, tadeau kalawou taumata kŭ mangimang Sia e tawę u matana suralungu kararĕndung. ⁴⁷ I sai dudaringihĕ tĕntiroKu, kŭ kawē tawē tumatuhŭ ene – balinewē Ia mĕhukung i sie. Batŭ Ia e rimĕnta walinewē mĕhukung dunia e, kaiso kawē mangambang dunia. ⁴⁸ I sai mañuhud'u Ia e ringangu tawē rumaringihĕ baweraku e, seng piã mĕlahukunge. Hengetang kŭ Takŭ iwĕbuna e, ute ene sarung mĕhukung i sie su Ĕllong Kiamatĕ e. ⁴⁹ Batŭ Ia e tawē mĕbawisara wou kapuluKu sĕsaku; i Amang kŭ nĕndoloh'u Ia, ute i Sie mĕpĕparenta si Sia apa kŭ hinon Takŭ iweraringangu Takŭ iwuna. ⁵⁰ Dingangu Ia masingka u titan'E ene makauali pĕbawiahĕ tutune ringangu kakalĕ. Tangu Ia mañuewen kere apan nitĕntiron Amang si Sia.”

Mawu Yesus nanguhasĕ
laed'u manga murit'E

13 Sahĕllo kalimonan Ĕllon Pĕmamantugĕ Paskah e, Mawu Yesus masingka u semben tempone i Sie manĕntangu dunia ini kŭ mĕsulę su anung Amang'E. I Sie kukĕndag'u taumata apan tĕtaghuaneng'E su dunia ringangu mang tĕbe kukĕndagi sire sarang pangĕnsueĕnge.

² Mawu Yesus dingangu manga murit'E piã e i sire mĕmpĕsĕsimokolĕ hĕbi e. Sintang e seng namitaugĕ dalungu naung i Yudas ana i Simon Iskariot mĕbalŭ u Mawu Yesus. ³ Mawu Yesus masingka u Ruata i Amang seng bou nĕnarakangu kasĕllahu kawasan'E si Sie. I Sie malaing masingka u i Sie kai rimĕnta wou anun Duata i Amang kŭ sarung mĕsulę kapia su anun Duata. ⁴ U watŭ u ene tangu i Sie rimarisŭ kŭ nĕluã lahaweng'E, ringangu namĕgong u handukĕ su kaluwaeng'E. ⁵ Bou ene i Sie nĕndalingu akę su

waskom sēmbau, ku nanēta e nanguhasē laedu manga murit'E ku niēmmueng handukē papēgong kaluwaeng'E. ⁶Ene i Sie nahumpaen Simon Petrus, ku nēbera u, "Mawu kawe unūe Mawu e nanguhasēbe laedēku?"

⁷Mawu Yesus simimbang, "Sini i kau e mambeng tawe makaēnna apang ku Taku nikoā ini e kai i kau e sarungbe makaēnna."

⁸"Kumbahang, Mawu," unguēng i Petrus su Mawu Yesus, "Mēngkatewe kumbahang i Tuang manguhasē laedēku!"

Kai Mawu Yesus simimbang, "Kereu Ia tawe makapēnguhāsē si kau e ute i kau tawe kalāhēmpu e ringangKu."

⁹I Simon Petrus nēberae u, "Kamageng kerene, Mawu, abe kētaeng laedēku uhaseng, kaiso kawe lima ringangu tēmboku lai!"

¹⁰"Taumata wou nēndenōe sembeng nawurēsi kēbi badange," unguēng u Mawu Yesus si Petrus. "I sie seng tawahaļuasuwurēsiang kapia; kētabeng laede. I kamene sembeng burēsi, kaiso balinewe kēbi." (¹¹Mawu Yesus seng nakakasingka i sai sarung mēsuniaļi Sie. U kai ene hakiu i

Sie nēhengetang, "I kamene ini sembeng burēsi, kaiso walinewe kēbi.")

¹²Mawu Yesus bōuten nanguhasē laed'i sire, tangu i Sie sau e nēluhen pakeang'E ku nai-angke kapia. Mase i Sie nēhenge-tangke si sire, "I kamene nakaēnnawe kēbi halē ku buhu e taku nikoā si kamene?" ¹³I kamene mēkēkui si Sia Mananēntiro ringangu Mawu. Ku mang hinong kerene. ¹⁴Kamageng Ia e kai Mawu ringangu Mananēntironu ku kawe manguhasē laedu, ute i kamene maļaing hinong mēpapanguhasē laed'i kamene sēmbau su waline. ¹⁵Ia nēnulada mēkēkoā kereini si kamene, tadeau i kamene maļaing mētēno mēkoā apan seng bōu Taku nikoā si kamene. ¹⁶Mambeng kahēngahēngang baweraKu ini: Sēngkatau ēllange tawe limembo wou mawune, ringangu sēngkatau rarolohange tawe limembong kasariane wou mēndarolohe. ¹⁷Kereu i kamene seng masingka u kēbi ene, ute kariangkamang i kamene kereu i kamene makakoā kerene.

¹⁸Apan seng Taku niwera ini e walinewe maņanung kamene kēbi. Ia masingka i sai-sai seng

Taku nipapile. Arawe apang ku seng kabawohe su Winohe Susi e mang mariadi, mangalene 'Tau-mata ku sengkakaeng dingangKu e, sarung dumoka si Sia.' ¹⁹ Halē ini e Taku ilēhabarē si kamene orasē ini e, tēntalang tawe nađiadi, tadeau kamageng u halē ene seng mariadi, tangu mangimang bue u kai Ia e isēsēba si IA ENE. ²⁰ U mambeng tēngadē baweraKu ini: I saing ku manarima u tau-mata Taku nirolohē e ute i sie małaing manarima u Ia e. Ku i sai manarima u Ia e manarima i Sie ku seng dimoloh'u Ia."

Mawu Yesus mēnēnēbaļu pēsasuniaļē baugu watangeng'E

(Mat. 26:20-25; Mrk. 14:17-21)

(Luk. 22:21-23)

²¹ Saraeng Mawu Yesus nēhengetang kerene, naung'E mambeng kimēndung ta sihinge. Bōu e i Sie nēhengetang, "Tēngatēngadē baweraKu ini: Sēngkatau wō'i kamene sarung mēbaļu u Ia e."

²² Manga murid'E nēmpēpanda e sēmbau su waļine mēngkaherang ualingu wēga wue mēnsang kai i sai su timonan'E.

²³ Muritē ikēkēndag'u Mawu Ye-

sus e maļiang su koaneng u Mawu Yesus. ²⁴ Ene i Simon Petrus e nēniđa e si sie apakibaļo su Mawu Yesus mēnsang kai i sai tētimonaeng'E.

²⁵ Tangu muritē ene nētēngkasēngkelē su Mawu Yesus ku nakiwaļo, "Kai i sai ene, Mawu?"

²⁶ Mawu Yesus simimbang, "I sain Taku pēgēllikangu borotē bōu niuno suraļungu mangko, ute i sie taumatane." Tangu Mawu Yesus nēngala e borotē sēmpēdi, niunone suraļungu mangko; mase nionggo e si Yudas ana i Simon Iskariot. ²⁷ Lēpasewe i Yudas bōu rimaē borotē ene, setang e nēkaradiahangke suraļungu naunge. Mase Mawu Yesus nēhengetangke si sie, "Ligha e koa apang sarung koatengu e." ²⁸ Ta u sarang sēngkatau wōu i sire maļungkaeng sene nakahēngangu kawe unūe Mawu Yesus nēhengetang kerene si Yudas. ²⁹ Pia u maņēna u Mawu Yesus dimoloh'i Yudas apamēlli apan hinong gausang baugu saļimbang ene, arau mēgēlliū roitē pēkadodo su taumata kasiang – batu u Yudas kai mēngangumpaedē doit'u ļawo e.

³⁰ Bōuten i Yudas nēnarima u borotē ene tangu i sie mēngkate-

we ringangu simëbang. Ku ëllo e nahëbî e.

Tita wuhu

³¹ Saraeng i Yudas nalintu, e-ne Mawu Yesus nëhengetangke, "Orasë ini Ahus'u Taumata e seng niapakawantugë, ku Duata e niapakawantugë ualingu i Sie. ³²Kereu Mawu Ruata e niapakawantugë ualingu i Sie, ute i Sie maiaing sarung iapakawantugu Ruata lumiun batangeng'E sësane. Dingangu Mawu Ruata e mëngkatewe seng ligha mapakawantug'i Sie. ³³Manga anaKu, Ia e sembeng tawë karëngue sini ringangi kamene. I kamene sarung mëdeä Sia, kai kerëwe seng bou Taku nipauli su manga mëngangawasan tau Yahudi, kerene lai Taku ipauli si kamene këbî; su tampa Taku tamaiang, i kamene tawe makakarënta. ³⁴Tita wuhu Taku ongotang si kamene: Pëkakakëndagëko i kamene sëmbau su waline. Kerëwe Ia seng kimëndag'i kamene, kerene lai i kamene hinon mëmpëkakëndagë. ³⁵Kereu i kamene lawobe mëmpëkëkakëndagë e ute kalawou taumata e sarung-

be makakasingka u i kamene kawe muritëKu."

Tëbal'u i Petrus sarung mësunialu Mawu Yesus

(Mat. 26:31-35; Mrk. 14:27-31)

(Luk. 22:31-34)

³⁶"Mawu, Mawu kai makoä solong a?" kakiwalon Simon Petrus su Mawu Yesus. Ungkuëng Mawu Yesus, "Suapan Taku dalëngang, i kau tawe makatole Sia. Hëdowen mahi i kau sarung makatole Sia e."

³⁷"Mawu, kawe unue ia tawe makatole su Mawu orasë ini?" unguëngkewen Petrus. "Ia e sadia mate waug'u Mawu!"

³⁸Mawu Yesus simimbang, "Kahëngang ngae i kau sadia mate waugu Ia? Kasingkako, manü deng tawe kimëkuku e i kau seng tellun sule nësunialu Ia e."

Mawu Yesus e raleng solong anung Amang

14 "Naung i kamene abe taghiawahë," unguëng u Mawu Yesus si sire. "Pangimangko su Mawu Ruata, ringangu pangimangbe lai si Sia.

²Su waleng AmangKu e lawo katatanakeng. Ia e kai rumaleng mēndiahing tampa baug'i kamene. Ia e tawe mēbera kerene si kamene, andene walinebe kerene. ³Samurin Ia tamai mēnadian tampa baug'i kamene, Ia e sarung mēbaļi ku manēnsomahē si kamene, tadeau suapan Ia ene, i kamene maļaing sene. ⁴Su tampa Taku dalengange i kamene masingkaben dalenge."

⁵Mase i Tomasē nēbera e su Mawu Yesus, "Mawu, i kami e wēgawen dalengangu e, ku makasingkaben dalenge kereapa i kami?"

⁶Mawu Yesus simimbang, "Ia e kai raleng mēdeau makakiraļa Mawu Ruata ringangu makahombang pēbawiahē. Taweu sarang sēngkatau makarēnta su anung AmangKu, kereu waline-we wou AnuKu. ⁷Kereu i kamene masingka u Ia, ute i kamene maļaing masingka i AmangKu. Ini e i kamene seng masingka i Sie, dingangu seng nakasilo si Sie."

⁸Tangu i Filipusē e nēbera su Mawu Yesus, "Mawu, todeko i Amang si kami, tadeau i kami mawulugē."

⁹Arawe Mawu Yesus simimbang, "Seng kerēng karēngue Ia

dingang i kamene, ku i kau e mang bēgang Ia e Filipusē? I saing ku seng nakasilo si Sia e, ute maļaing bou nakasilo si Amang. Ku kereapa wue i kau nakawera u, 'Todeko i Amang si kami'? ¹⁰Filipus! I kau kai ta mangimang, u Ia e kai nasēmbau dingang i Amang ringangu i Amang e nasēmbau dingangKu? Apang ku Taku niwera si kau e, tawe Taku niwera wou watangengKu hala. I Amang ku tēbe nasēmbau dingangKu e, kai i Sie nēkaradiahangu patiku ene. ¹¹Pangimangke si Sia, u Ia e kai nasēmbau dingangi Amang kapia, ringangu i Amang e nasēmbau dingangKu. Arau maeng tawe kerene pēmpangimangke wou apang ku seng Taku kinoa. ¹²Mambeng kahēngang bawera-Ku ini: I sai mangimang si Sia, sarung mēkoā apan seng Taku kēkoateng, - ore lai i sie sarung mēkoā ku limembon kasēllahe wēdang - batu Ia e kai reng ma-koā soļong anung Amang. ¹³Ku balawe apan dorongang i kamene suralungu arengKu e, ene Taku koateng baugi kamene, tadeau i Amang e iapakawantugē e ualingu Ahusē e. ¹⁴Ku balawe apa rorongang i kamene su-

raŕungu arengKu e, ute sarung Taku koateng,”

Mawu Yesus nĕkĕdon Rohkĕ Susi

¹⁵”Kereu i kamene kukĕndagu Ia e ute i kamene sarungbe mĕdĕndaŕungu manga parentaKu. ¹⁶Ia e sarung mĕgausĕ si Amang, ku i Sie sarung mangonggo u Mĕtatulung baŕine ku sarung mĕtumaŕa dingangi kamene sarang marĕngu-dĕngu. ¹⁷I Sie ute kai Rohkĕ Susi ku sarung mĕlahe u kaadil’u Mawu Ruata. Dunia e tawe makatarima i Sie, uaŕingu ta makasilo arau ta nakakiraŕa. Arawe i kamene masingkaben Sie, u i Sie kai maŕana dingangi kamene dingangu i Sie sarung masĕmbau dingangi kamene.

¹⁸I kamene tawe taku itĕtang hala kere kasisi ĕndusĕ. Ia e sarung mĕbaŕi su anung kamene. ¹⁹Kate kaŕodo tempo dunia e seng tawe saŕ makasilo si Sia. Arawe i kamene ute sarungbe makasilo si Sia. Ku uaŕingu Ia biahĕ, i kamene e maŕaing biahĕ sarung. ²⁰Kereu seng su ĕllone ene, ute i kamene sarung makakasingka u Ia e kawe nasĕmbau dingangi Amang, i kamene nasĕmbau dingangKu, ma-

se Ia e kawe lai nasĕmbau dingangi kamene.

²¹I sain duŕaĕ manga titaKu e ringangu mĕsĕsĕmpĭ ene, ute i sie kukĕndag’u Ia e. I AmangKu e sarung kumĕndagi saing kukĕndag’u Ia. Ia e lai sarung kumĕndagi Sie ringangu mĕnode u watangengu e si Sie.”

²²I Yudas (baŕine i Yudas Iskariot) nakiwaŕo su Mawu Yesus, ”Mawu, unĕ Mawu e mapulu manodeŕu watangengu si kami ku baŕinewe waŕgu dunia?”

²³Mawu Yesus simimbang, ”I saing kukĕndagu Ia e, ute sarung tumuhu tĕntiroKu. I kanduang AmangKu e sarung dumĕnta su anune matana dingange. ²⁴I sain tawe kumĕndagu Ia e tawe tumatuhu tĕntiroKu. Tĕntiro ku seng kinaringsih’i kamene waŕinewe wou anuKu, kaiso kawe wou i Amang ku dimoloh’u Ia e.

²⁵Kĕbi ene Taku ipĕpauŕi si kamene karĕngewen Ia deng dingangi kamene. ²⁶Arawe Rohkĕ Susi e, mĕtatulung sarung irolohi Amang suraŕungu ArengKu, ku kai i Sie sarung manĕntiron patiku e si kamene ringangu mapĕtahĕndung i kamene kapia su kĕbi apan seng taku nipaŕi si kamene.

²⁷ Karalunsemahē Taku itēntang baug'i kamene. Karalunsemahē Taku ionggo si kamene. Taku nilaonggo e walineuwe kere nilaonggo u dunia e si kamene. Abe pēmpētaghiawahē dingangu abe kēngkatakū. ²⁸I kamene seng nakaringihē Sia nēhabarē u, 'Ia e sarung dumaleng, kai Ia e saube mēsulē su anung kamene.' Kereu i kamene kükēndagu Ia e, i kamene sarung lumuas'u Ia makoā solong anung AmangKu e, batu i AmangKu e kai limembong kasēllahe wou Ia e. ²⁹Ia e mauļu ene si kamene su orasē ini, tēntalang kēbi e ta nadiadi, tadeau maeng seng sukarariadine, ute i kamene sarungbe mēmpangimang. ³⁰Ia e seng tawe mēbisara malawo dingangi kamene, u kai seng tempone mēngangawasa dunia e rumēnta. Kai i sie tawē kawasane su watangengKu e. ³¹Kai kēbi mang harusē mariadi tadeau dunia e makahēngang u Ia e kükēndagi Amang e mase Ia e mēdēndalengben patiku apan niparentang AmangKu e si Sia.

Ku mahi e i kite mēbua bou ini."

Mawu Yesus puēngu anggorē tutune

15 Angkuēng u Mawu Yesus kapia, "Ia e puēngu anggorē tutune, ku i AmangKu e mēsasuange. ²Apan lelange si Sia ta mēbawua, tēntoēng'E, ringangu apan lelange mēbēbua e, tētaluaheng'E tadeau sauneng mahuntinamba wuane. ³I kamene sembeng burēsi ualingu tēntiro seng nitēntiroKu si kamene. ⁴Ku hanesēbe kasasēmbau dingangKu e ku Ia e hanesē masēmbau dingangi kamene. Lelange sēsane tawe mēbua kereu tawe maḍarēka su kalune. Kere ne lai i kamene tumbaeng mēbua kereu tatapēbe dingangKu.

⁵Kai Ia e kalun anggorē e, ku i kamene e manga lelange. I sain katatana sēmbau dingangKu e, ku Ia dingangi sie, ute mēbua malawo; kereu tawē Ia e ute i kamene tawe makakoā manga apa. ⁶I sain tawe matana masasēmbau dingangKu, sarung irēmme kere lelange, ku i sie mahēgu. Apan lelange kere ne ute tampungang i ēndu su putung mase tutungang. ⁷Ke-



Manga lelangu kalung angorë (15:5)

reu i kamene k̄atatan̄a s̄embau dingangKu, mase waweraKu e mātatan̄abe surālungu naung i kamene, p̄gause si Amang walāewe apa ghausang i kamene mang ḡelirang. ⁸ Kereu i kamene m̄emp̄bua mālawo, i AmangKu e iapakawantuḡe, dingangu uālingu ene i kamene mambeng kah̄ngang makōa murit̄eKu. ⁹ Kerewe i Amang kūk̄endagu Ia ute kerene lai Ia kum̄endagi kamene. K̄engkatan̄ako i kamene s̄entinīa m̄emp̄b̄eb̄iah̄e kere taumata Taku ik̄ek̄endaḡe. ¹⁰ Kereu i kamene m̄ed̄endālengben

kālawo manga titaKu e, ute i kamene tatap̄ebe satia su kak̄endaḡeKu, kerewe Ia tatap̄e satia su kak̄endagi Amang batu m̄ed̄endālengben kālawo titan'E.

¹¹ K̄eb̄i ini e Taku il̄ehabar̄e si kamene, tadēau rāluas̄eKu e ene surālungu naung i kamene, ringangu rāluas̄e e matinalung. ¹² Kai ini titaKu e: P̄kak̄endaḡeko s̄embau su wāline, kerewe Ia kūk̄endagi kamene. ¹³ I sain n̄ngalembon kak̄endage su manga hap̄ie ute kai tau mata ku manarakangu p̄bawiahe waug'i sire. ¹⁴ I kamene kai

manga hapiKu, kereu i kamene mēmpēkoā apan Taku ilēoro si kamene. ¹⁵I kamene sēmbeng tawe Taku kuiang ēllang, batu ēllang e wēga wue apang kēkoateng u mawune e. I kamene Taku kēkuiang hapi, batu kēbi apang kēkaringihēKu bou i Amang, seng Taku nipauḷi si kamene. ¹⁶Balinewe i kamene namile si Sia. Kai Ia e namile si kamene, ringangu nēndoloh'i kamene apēdēdaraleng ku apēbēbua maḷawo ku buaen ta mawawinasa. Tangu i Amang e sarung mangonggou kēbi apan dorongang i kamene si Sie suralungu arengKu. ¹⁷Ku kai ini titaKu si kamene: Pēmpēkakēndagē sēmbau su waline."

Dunia e mēbēbinsi i kamene

¹⁸"Kereu dunia e mēbinsi i kamene, pētahēndungke u Ia seng kaḷimona nipēbinsi u dunia e. ¹⁹Kereu i kamene kawē tataghuaneng u dunia e ute i kamene ikēkēndagēben dunia e kere tataghuanenge, Kai Ia e seng

namile si kamene wou dunia ini, ku i Kamene e waline lai tataghuanengu dunia. Kai ene hakiu dunia e mēbēbinsi i kamene. ²⁰Pētahēndungke apan seng Taku niwera si kamene. 'Ēllang e tawe limembo wou mawune.' Kereu i sire seng nanigēsa si Sia, i sire sarung lai manigēsa si kamene. Kereu i sire tutuhutēntiroKu, ute i sire tumuhulai tēntirong kamene. ²¹Patiku ene sarung koateng i sire si kamene, ualingu i kamene kai muritēKu, u i sire wēgawen Sie rimoloh'u Ia e. ²²Mangawe Ia e tawe rimēnta ringangu tawe nēhengetangu kēbi ene si sire, ute i sire tawē dosane. Kai ini e si sire seng tawē apa tatupi⁹ e lai waugu rosan sire. ²³I sai mēbinsiu Ia e, mēbēbinsi i AmangKu. ²⁴Kai manga sutalōaran sire Ia e tawe mēkakoā patiku munara ku tawē tau waline nēkēkoā e, ute i sire tawē dosane. Arawe ini e i sire seng nakasilo apan Taku nikoā, ku i sire nēmpēbinsi u Ia ore lai nēbinsi i AmangKu. ²⁵Kai tangu semben harusē kerene, tadeau mariadi wue apan maḅawohē su bukē u

⁹ laēmpinge = alasan

15:20: Mat. 10:24, Luk. 6:40, Yoh. 13:6

Torat'i sire u: 'I sire mēbinsi u Ia e taweu nikaianenge.^h

²⁶Ia e sarung mēndolohu Mētatulung ku asale wou anun AmangKu e si kamene. I Sie kai Rohkē ku sarung mēlahē u katulidē maanun Duata. Kereu i Sie rumēnta, i Sie sarung mēsahidin Ia. ²⁷Dingangu i kamene lai harusē mēsahidin Ia, batu u i kamene e seng mēdēdingang u Ia dokeng bou tēta e.

16 Kēbi e seng taku ipēpauli si kamene tadeau i kamene tawe mēsuniaļē. ²I kamene e sarung iapasēbang bou raļungu waļem pēkakaļiomanengang. Dingangu sarung dumēnta tempone u i sai mēmate si kamene e kai mēmpangēna u i sie kai mēkēkoā palahamawu su Ruata. ³I sire mēmpēkēkoā kereu si kamene, ualingu i sire bēdaweng bēgan Duata ringangu wēgawe lain Ia. ⁴Arawe ini Ia e mēbēberang ene si kamene, tadeau kamageng ene mang mariadi, i kamene pēmpētahēndung bue u Ia e seng bou nauļi si kamene."

Munaran Rohkē Susi e

"Halē ini e tawe taku nipauli si kamene kēbi dokeng bou tētae, u Ia deng bēdang dingangi kamene. ⁵Arawe ini Ia e reng mapule soļong anun Sie ku dimoloh'u Ia; ku taweu sarang sēngkatau woi kamene makiwaļo kai soļong apa Ia e. ⁶Kai ini e malahe naung i kamene nēngkasusa, ualingu Ia nauļi u halē ene si kamene. ⁷Kai Ia e mauļiu katēngadē si kamene: Nēngalembong kapiane e waugi kamene, kereu Ia mapule; batu kereu Ia e tawe mapule, Mētatulung e tawe rumēnta su anung kamene. Arawe kamageng Ia e seng mapule ute Ia e sarung mēndoloh'i Sie soļong anung kamene. ⁸Kereu i Sie rumēnta, ute i Sie sarung mapakalahē su dunia u tumuhu hinone kai apa mangalen dosa e, wou apang katēngadē, dingangu wou hukumangu Ruata. ⁹I Sie sarung mēlahē, u tawe mangimang si Sia ute kai rosa; ¹⁰u Ia e kai matulidē, ku ualingu Ia e kai makoā soļong anun Amang, ku i

^h tawe daļenge = tidak ada alasan

kamene sarung lai tawe makasilo si Sia; ¹¹dingangu kai Ruata e seng nanëta nëhukung, batu mêngangawasa dunia ini e seng nïlahukung.

¹²Lawo lai hinong Taku i-wera si kamene, kai orasë ini i kamene reng tawe makaumalë mënarima u ene. ¹³Kai kereu Rohkë e seng dimënta, mangalëne i Sie ku mëlëlahëu katulidë maanun Duata, i kamene sarung ahakenge tadeau makakasingka u patiku katulidë e. I Sie tawe mëbisara wou watangeng'E halakaiso kawë mauiju apan seng kinaranggih'E, dingangu i Sie sarung mauiju apan sarung mariadi si kamene suëllö samuri. ¹⁴I Sie sarung mapakawantugu Ia e, u këbi apan i habare si kamene e kai nitarima e wou Ia. ¹⁵Patiku apaewen si Amang e ute kai tataghuanengku. Hakju ene Ia makapëbera u apan nihabar'u Rohkë si kamene, kai nitarima e wou Ia."

Kasasusa ringangu parahuluasë

¹⁶"Kate kadodo tempo i kamene seng tawe makasilo si Sia, dingangu kate kadodo tempo i kamene sarung makasilo si Sia."

¹⁷Pirangkatau wou manga murit'u Mawu Yesus e nanëtaë nëkakiwalo sëmbau su waline, "Apa wue timonane i Sie nëbera si kite: 'Kate kadodo tempo i kamene seng tawe lai makasilo si Sia, dingangu malaing kate kadodo tempo i kamene sarung makasilo si Sia?' Apa lai timonam bawera: 'Ia e ma-koä solong anung Amang e'?" ¹⁸I sire mêngkate makibalo, "Apa mangalëne, 'kadodo tempo'? I kite tawe nakahëngang mënsang i Sie maanung apa!"

¹⁹Mawu Yesus masingka u i sire mapulu makiwalo si Sie. Tangu i Sie nëhengetang, "Kaini Taku niwera, 'Kate kadodo tempo, i kamene sarung tawe makasilo si Sia, dingangu lai kate kadodo tempo i kamene sarung makasilo si Sia.' Kai ene ipëkëkakiwalo sutaloarang kamene?"

²⁰Pëmpangimangke, i kamene sarung sumangi dingangu lumungkan, arawe dunia e kai sarung lumuasë. Naung i kamene sarung mêngkasusa, kai susa naung i kamene sarungbe mëbalui mariadi raluasë. ²¹Kereu sëngkatau wawine maraning mëhënding, masusa naunge, batu seng tempone i sie mëtingkëdang u sigësa. Kai lëpa-

sewe ana e seng sulikude i ninge miwulem patiku kasasigesa e ualingu raluase watu rario e seng simongo su dunia. ²² Kerene lai si kamene; Tempo ini naung i kamene masusa, kai Ia e sarung mesombang kapia ringangi kamene, ku i kamene sarung mahulasē; ku taweu sarang sengkatau makaaho raluasē ene wou naung i kamene.

²³ Su sahēllo ene, i kamene seng taweu lai makiwalong apa-apa si Sia e. Pēmpangimangke: Balawe mēnsang apa rorongang i kamene si Amang suralungu arengKu, ene sarung ionggo i Amang si kamene. ²⁴ Sarang orasē ini i kamene wēdang tawe nēdēdorong apa-apa suralungu arengKu. Pēmpēdorongke, ku i kamene sarung mēmpēnarima, tadeau raluas' i kamene mauadipē."

Kalauntung namata dunia

²⁵ "Kēbi ini e Taku pinēhengetang si kamene suralungu papinintu. Kai sarungbe pia tempone ku Ia e seng tawe mēpapinintu, kaiso kawe seng mēbisara malahe si kamene manung Amang. ²⁶ Su tempo ene i kamene sarung mēmpēdorong

si Amang suralungu arengKu; kēngkasingkako, Ia e tawe mēdorong bo'i Amang baug'i kamene, ²⁷ ualingu i Amang sēsane kai kukēndag'i kamene. I Sie kukēndag'i kamene ualingu i kamene kukēndagu Ia, dingangu mangimang u Ia e kai wou Rua-ta asalē. ²⁸ Mambeng asalēKu e bou i Amang, ku seng dimēnta suralungu dunia. Kai orasē ini e Ia manēntang u dunia tadeau mēsule solong anun Amang."

²⁹ Mase manga murit'u Mawu Yesus e nēmpēbera si Sie, "Su tempo ini Mawu e mēlēhengetang malahe ku tawe mēpapapinintu, ³⁰ dingangu i kami e masingka u Mawu e masingka u patiku e. Tawe wahałasē pia u sengkatau makiwalong apa-apa su Mawu e. Batu i kami mangimang u Mawu e rarēntane kai wou anun Duata."

³¹ Mawu Yesus e simimbang si sire, "Ku i kamene nangimang su orasē ini? ³² Pētahēndung! Tempone sarung dumēnta, ore seng narēnta, i kamene sarung ipēkaliaesē. I kamene sarung mapule sarang balen sengkatau-sengkatau ku mēmpānētangu Ia sēsaku. Kaiso Ia e baline-we sēsaku batu i Amang kawe ringangKu e. ³³ Patiku ini e

Taku iwēbera tadeau i kame-
ne makahombang karalunsemahē
batu nētēngkasēmbau dingang-
Ku. Su dunia e i kamene sarung
mētatahangu sigēsā. Kaiso paka-
tulende bue naung i kamene! Ia e
kai seng nakawata dunia!”

Mawu Yesus nēkalioma- nengu manga murit'E

17 Saraeng bou nēhenge-
tang kerene, Mawu Ye-
sus rimalingaræ solong langi ku
nēhengetang, ”Amang, ini e seng
naghanapē tempone. Pakawantu-
geng Ahus'U, tadeau Ahus'U
maļaing mapakawantug'i Amang.
²I Amang seng nangonggou ka-
wasa waugu umate patiku, su
Ahuse, tadeau i Sie mēngonggou
pēbawiahē tutune ringangu ka-
kalē su kēbi taumata apan ni-
sarakang i Amang si Sie. ³Kai
ini e pēbawiahē tutune ringang-
u kakalē, tadeau i sai masingka
i Amang mang sēmbau ku Dua-
ta kahēngang, dingangu makaki-
raļa su Mawu Yesus Kristus ku
niroloh'i Amang. ⁴Ia seng na-
pakawantug'i Amang su wowon
dunia ini su pēkakoā munara
ku ipakikoā i Amang si Sia.
⁵Amang! Papakawantugeng Ia e
su anun'U, apakawantugu kawan-

tugēKu ringang i Amang dokeng
dunia e reng tawe nijadi.

⁶Ia e seng napakalahē i A-
mang su taumata ralohon dunia
ini ku seng nionggo i Amang si
Sia. I sire kai tataghuaneng i A-
mang, dingangu i Amang seng
nēnarakang i sire si Sia. I sire
seng timuhu hengetang i Amang.
⁷Ini e i sire masingka u patiku
apan nisarakang i Amang si Sia
e asalē kai wou i Amang. ⁸Seng
bou taku nihabarē si sire henge-
tang i Amang ku seng nionggo
Sia, kutēu sembeng kinatarima i
sire. I sire masingka u Ia e mam-
ben tēngadē dimēnta wou anun
Amang, dingangu i sire mangi-
mang u kawe i Amang e nēndo-
loh'u Ia.

⁹Ia mēkaliomaneng baugu i
sire. Ia e walineuwe mēkalioma-
neng baugu dunia kaiso kai wau-
gu taumata ku seng nionggo i
Amang si Sia, batu i sire kai
tataghuaneng i Amang. ¹⁰Kēbi
tētaghuanengKu e maļaing tēta-
ghuaneng i Amang; mase pa-
tiku tētaghuaneng i Amang-
Ku e maļaing tētaghuanengKu.
Ia wēbantugang sutaloaran sire.
¹¹Ini e Ia dumēnta su anun A-
mang. Ia e seng baline maņana
su dunia; Arawe i sire ute ka-

we su dunia. Amang masusi! Si-rungengkong kawang areng i Amang si sire, arengke naung seng nionggo i Amang si Sia, tadeau i sire mariadi sēmbau, kerewe i Amang dingangu Ia e kai sēmbau. ¹² Pia Ia e naung bēdang dingang i sire, Ia e seng nanēntanudē si sire ringangu kawang areng i Amang, areng ku naung nionggo i Amang si Sia. Ia e seng nēlukadē si sire ku taweu sarang sēngkatau wou i sire ku nailang tabeau katewe ualingu i sie mambeng hinong mailang; tadeau ualingu ene ute naghanape apang mābawohē suralungu Winohē Susi. ¹³ Ini e Ia kawe seng solong anun Amang. Patiku ini e taku ipēpauli e tēntalang Ia e reng bēdang su dunia; tadeau i sire makapanaghuangbe raluasēKu e masuku. ¹⁴ Ia e seng nēhabaru hengetang i Amang si sire, kai dunia e nēmpēbinsi i sire, batu i sire walineuwe tataghuanengu dunia, kerewe lai Ia balineuwe tataghuanengu dunia. ¹⁵ Ia e tawe mēgausē tadeau i Amang mēngalā si sire wou dunia ini e, kaiso kawe mēgēgausē tadeau i Amang e panēntanudē si sire wou i Ralakisē. ¹⁶ Kerewe lai Ia e walineuwe tataghuanengu dunia, i sire lai

walineuwe tataghuanengu dunia. ¹⁷ Kakoako i sire kētaeng tataghuaneng i Amang lumiu katēngadē; hengetang i Amang e kai katēngadē. ¹⁸ Mēsulungkewen i Amang seng dimolohu Ia su dunia e, kerene lai Ia dimoloh'i sire solong dunia. ¹⁹ Ia e mēnarakangu watangengku kere tataghuaneng i Amang natētani e, tadeau i sire maiaing makoā tataghuaneng i Amang tani e limiun katulidē e, baugu kapiān sire.

²⁰ Balineuwe samatang tumbau waugi sire ini e, Ia mēkēkālīomaneng. Ia maiaing mēkēkālīomaneng baugu taumata apan mēmpangimang si Sia e ualingu pēsahiding sire ini e. ²¹ Ia e mēkēkālīomaneng, Amang, małowoko i sire kēbi e masēmbau, kerewe i Amang e nasēmbau dingangKu, kerene lai Ia dingang i Amang. Małowoko i sire masēmbau dingang i Kite, tadeau dunia e mangimang u i Amang e kai rimoloh'u Ia. ²² Ia e seng bou napakawantug'i sire ringangu kawawantugu Ruata ku seng nionggo Sia e, tadeau i sire masēmbau, kerewe i kite maiaing sēmbau; ²³ Ia dingangi sire, mase i Amang dingangu Ia;

tadeau i sire mamben tēngadē sēmbau. Tangu dunia e makaka-singka u kawe i Amang dimolohu Ia e, dingangu i Amang kukēndag'i sire kere i Amang kukēndagu Ia.

²⁴Amang, Ia kai mapulu tadeau i sire ku nisarakang i Amang si Sia e, ene ringangku suapan Ia ene, tadeau i sire makasilo kawawantugēku e; ku ene kai kawawantugi Amang nionggo e Sia, batu i Amang e kukēndagu Ia e, rokeng dunia e ta niḍiadi. ²⁵I Amang ku adilē e! Dunia e wēgawen Amang, arawe Ia e masingkaben Amang; dingangu i sire ini e masingka u i Amang e rimolohu Ia e. ²⁶Ia e seng bou nēlaheu areng i Amang si sire; ringangu Ia e sarung tawē umpade mēkoā kerene, tadeau kakēndagu i Amang si Sia e tatapē bue suralungu naung i sire, dingangu Ia nasēmbau dingang i sire."

Mawu Yesus nisame

(*Mat. 26:47-56; Mrk. 14:43-50*)

(*Luk. 22:47-53*)

18 Saraeng Mawu Yesus bou nēkaliomaneng kerene, i Sie ringangu manga murit'E nakoā solong sēmbēkang saḷu u Kidron. Sene piā bawaelang sēmbau, ku Mawu Yesus di-

ngangu manga murit'E simuē su wawaelang ene. ²I Yudas tau e mēbēbaḷu e masingka u tampa ene; batu Mawu Yesus e masau mēkomolē dingangu manga murit'E sene. ³Tangu i Yudas tamai e solong tampa ene ku nēbawa wuntuang u soldadong Romawi ringangu manga mēndariaga Baḷem Mawu pirangkatau apan nirolohu manga imang tēmbonange ringangu i sire tau Farisi. I sire nēmpēbawa aghidē, lēntera, ringangu oborē. ⁴Mawu Yesus masingka u patiku apan sarung mariadi su watangeng'E. Tangu i Sie rimani si sire ku nakiwaḷo, "I kamene kai mēdēdeā si sai?"

⁵"Yesus, tau Nazaret," unguēng i sire.

"Seng Ia e i Sie," unguēng u Mawu Yesus.

I Yudas tahapēsuniaḷē e ruḍarisi sene ringang i sire. ⁶Piā e Mawu Yesus nēhengetang si sire u, "Seng Ia e i Sie," ute kēbi e nēmpēsoho ku apidu nēngkawatang su ēntana. ⁷Sau kapia Mawu Yesus nakiwaḷo si sire, "I kamene kai mēdēdeā si sai?"

"Mēdēdeā si Yesus tau Nazaret," angkuēng i sire.

⁸"Seng Taku niwera u, seng Ia e i Sie," unguēngu Mawu Yesus. "Ku kereu mambeng Ia e

rēdeakeng i kamene, ute walæke-re i sire waline ini e aparaleng.” (9 Dingangu nēhengetang kerene, nariadi e apa ku seng nipēhenge-tang u Mawu Yesus naung: ”Amang, bou i sire apan nisarakang i Amang si Sia e, taweu sarang sengkatau nailang.”)

10 I Simon Petrus mēngkate-we nanawu pēda niwawane ku namili darolohangu imang gaghere hakiu nahēnsi tuline koa-neng. Arengu ēllang ene ute kai i Malkus. 11 Tangu Mawu Yesus nēhengetang si Petrus, ”Suhī e saū pedanu e su homane! Unūe i kau māngēnnau Ia e tawe sarung mēnginung bou lainumangu kasa-sigēsa e ku seng nionggo i Amang si Sia e?”

Mawu Yesus niwawa nipētēngon Hanas

12 Mase manga soldadong Roma ringangu manga mēndariaga Yahudi e naname e ringangu nēhapusē Mawu Yesus. 13 Humotong i sire nangētud’u Mawu Yesus niapētēngon Hanas, i amang i Kayafas kinaratingang. I Kayafas e kai imang masēllahē su taung ene. 14 Ku kai i sie naung seng

nanēgu manga mēngangawasang Yahudi e ēndokangbe sēngkatau mate ipēngaluang sēngkawanaēnge.

I Petrus nēsuniaļu Mawu Yesus

(Mat. 26:69-70; Mrk. 14:66-68)

(Luk. 22:55-57)

15 I Simon Petrus dingangu muritē lai sēngkatau timole Mawu Yesus. Manga muritē baline ini e kai sēngkanarangu imang masēllahē, hakiewen i sie simuē sēngkakasuē dingangu Mawu Yesus solong dēllahu waleng imang masēllahē e, 16 arawe i Petrus e māngampalē sulikude, sutukadē. Susamurine manga muritē baline e simēbang ku nēbisara ringangu mētatangkiang bawine mēndariaga tukadē, mase nēbawa si Petrus simuē solong dalunge. 17 Tau wawine mētatangkiang mēlahapa tukadē ene e nēbera si Petrus, ”Ei, balinewe i kau lai sēmbau bou timole tau rasi e?”

”Baline,” unguēng i Petrus.

18 Su tempo ene mawalēnguhē, ku manga mētatangkiang dingangu manga mēndariaga e seng nēmpēhunū u putung su woheng ku nēmpēdarangke sene. I

Petrus himaungke tamai ku dimarisi nendarang dingangi sire.

Imang masëllahë mañanësui Mawu Yesus

(Mat. 26:59-66; Mrk. 14:55-64)

(Luk. 22:66-71)

¹⁹ Imang masëllahë e mañanësui su Mawu Yesus e mañanun manga murit'E ringangu kakakoā u tëntiron'E. ²⁰ Mawu Yesus simimbang, "Ia e mēngkate hanesë mēbëbisara matulidë su tēngon lawo. Ia e hanesë mañëntiro su manga waleng pëkakaliomanengang dingangu suralungu Baļem Mawu, tanpaeng pëkakomolangu tau Yahudi e. Ia e tawë sarang sēnsulë piā apa niwisara pëkëkalirung. ²¹ Ku kawē unuē i Tuang mananësui si Siā? Pakiwalōe si sire apan seng nakaringihë si Siā mañëntiro. Naļahë u i sire masingka u apan Taku niwera."

²² Piā i Yesus kapëlehenge-tange kerene, sēngkatau wou mēndariaga sene nameru si Sie ringangu nëbera, "Kai kawahani i Kau mēbisara kerene su tēngon imang masëllahë!"

²³ Mawu Yesus simimbang, "Kereu Ia mauļi u apang ku nësala, ute paulikō kaia saļane! Kai kereu waweraKu e kawē nihi-

no, kawē unuē i kau nameru si Siā?"

²⁴ Su samurine i Hannas nangoro e taumata niapangëntudë Mawu Yesus maļahante soļong anun Imang Marangë i Kayafas.

I Petrus nësau kapia nësunialu Mawu Yesus

(Mat. 26:71-75; Mrk. 14:69-72)

(Luk. 22:58-62)

²⁵ I Simon Petrus bēdangbe lain dudarisi mēdendarang sene. I sire nēmpëbera e si sie, "Balineuwe i kau ļai tuļole tau ene?" Arawe i Petrus e mang nësuniaļë u, "Waline!"

²⁶ Sēngkatau rarolohangu imang marangë, anau sēmbau i anu tuļine nisahing i Petrus e nëbera, "Balinebe ia nakasilu si kau su wawaelang ene mēdëdingang i Sie?"

²⁷ Mase i Petrus nësuniaļi Sie kapia, "Tala," – ku nëkëta u orasë ene manu kimuku e.

Mawu Yesus nētēngon Pilatus

(Mat. 27:1-2, 11-14; Mrk. 15:1-5)

(Luk. 23:1-5)

²⁸ Eļlo e seng mēbëmbanaho i sire nangëntud'u Mawu Yesus bou waleng Kayafas soļong ista-

nang gubernurě. I sire tau Yahudi e tawe nahunsuě sołong dalungu istana, mađiring maka-salamāⁱ si sire tuhu dalengu agama, batuu i sire mapulu lai mēmpangidopu simokołu Paskah. ²⁹ Ualingu ene i Pilatus simēbang nakoā sołong anun sire ku nakiwało, "Kai apa pēsasałan tau ēndai e iwēbawang kamene?"

³⁰ I sire nēmpēsimbang u, "Mangawe i Sie tawē sałane, ute i kami e tawe manondan Sie su anun Tuang Gubernurě."

³¹ I Pilatus nēbera si sire, "Ałae i Sie ku hukungke tuhewe torat'i kamene hala!"

Kai tau Yahudi e simimbang u, "I kami e tawe wotonge mēnawong hukumangu papate su taumata." (³² Ini nariadi e tadeau naghanapě kere seng nipēhenge-tang u Mawu Yesus maanung kakakoā u i Sie sarung mapohong.)

³³ I Pilatus simuě kapia su istana ku nēkui Mawu Yesus, ku nakiwało u, "I Kau e ratung tau Yahudi e?"

³⁴ Mawu Yesus simimbang, "Apa kakiwało ini e wou watangeng hala arau kai pia u

waline ku seng nēhabaru Ia e si Tuang?"

³⁵ I Pilatus simimbang, "Ia kawe tau Yahudi tangu? Taumata ku nēnarakang i Kau si sia e kai kawanuan'U hala ringangu manga imang tēmbonange. Ku apaē seng nikakoā u e?"

³⁶ Ungkuengu Mawu Yesus, "KararatuangKu e waline wou dunia ini. Kai manga kararatuangKu e wou dunia ini, ute angkeeng apan taumataKu e sarung mētahutēnda u Ia e, tadeau tawe isarakang su manga mēngangawasan Yahudi. Kaiso mambeng kahēngang u kararatuangKu e asałe waline wou dunia ini!"

³⁷ Tangu i Pilatus nakiwało si Sie, "Maeng kerene Datu i Kau tangu?"

Mawu Yesus simimbang, "I kau nēbera u Ia kai ratu. Ia e nawantelē dingangu rimēnta su dunia e kētaeng baugu timona sēmbau, tadeau kai mēsahiding katēngadē. I saing ku asałe wou katēngadē e, mambeng dudarinhē si Sia."

³⁸ I Pilatus nakiwało si Sie, "Kai a mangalene katēngadē e?"

ⁱ makasahaghe

Mawu Yesus nihukung
pateäng

(Mat. 27:15-31; Mrk. 15:6-20)

(Luk. 23:13-25)

Mase i Pilatus simëbang kapia wou istana ku nëbera su tau Yahudi, "Ia e tawe nakareä pësaşala sarang sëmbau si Sie. ³⁹Kai tumuhu tundung kamene, ia e sëntinia makapëliwir'u sëngkatau wou taumatan hukumang su Ëllon Salimbangu Paskah e. I kamene mapulu ia mapakaliwir'u ratun tau Yahudi e waug'i kamene?"

⁴⁰I sire simimbang nëmpamansagë u, "Tala, kumbahang i Sie, pamëlloen Barabas!" (I Barabasë ute kai sëngkatau tahapëhampasë sahiun tahapëmate.)

19 Su samurine i Pilatus simuë e ku nangoro si sire nakilimad'u Mawu Yesus. ²Manga soldado e nëmpëkoä e makota wou manga hakonda pia larange, mase nipake su tëmbou Mawu Yesus. Bou ene i sire nëmpëluheën laku manandu awae kamumu, ³mase taghalë mëkëka-kuwali mahundënta su anun'E ku mëmpëbëbera u, "Karaluhë datun tau Yahudi!" Bou e i sire nëmpameru si Sie.

⁴Bou ene i Pilatus sau simëbang sënsule ku nëbera su taumata lawo e, "Kakëllako! Ia manondan Sie sulikude anung kamene, tadeau i kamene masingka u ia tawe nakareä pësaşala sarang kadidi-didi si Sie." ⁵Tangu Mawu Yesus simëbang ku nëpake u paporong makota pia larange ringangu kakingkaenge kamumu. Tangu i Pilatus nëbera e si sire, "Kakëllako tau ëndai."

⁶Ene sarangke manga imang tëmbonange ringangu mëndariaga e nakasiloe Mawu Yesus, i sire nëmpamansagë u, "Kuruise i Sie! Kuruise i Sie!"

I Pilatus nëbera si sire, "Aļa e i Sie, ku kuruiseng kamene halla, u ia e tawe nakaëba pësaşala sarang sëmbau si Sie."

⁷Tau Yahudi e nëmpësimbangu, "Tumuhu torat'i kami e, i Sie harusë kahinoëngu hukumang papate, batuu i Sie mangakun batangeng e Ahus'u Ruata."

⁸Ene i Pilatus nakaringihe si sire nëmpëbera kerene, ute i sie saunengke lai nataku. ⁹Tangu i sie simuë e kapia soļong daļungu istana ku saraeng Mawu Yesus niapasuë, tangu i Pilatusë e nakiwalo si Sie, "I Kau e asaļe kai wou a?"



Manga soldadong Roma (19:2)

Mawu Yesus e tawe simimbang. ¹⁰Tangu i Pilatus nēbera kapia, "Kai madiri i Kau mēbisa-ra ringanku? Kasingkako iā kai kawasa mēliwir'i Kau ringangu kawasa mēnguruis'i Kau."

¹¹Mawu Yesus simimbang, "Kereu Ruata e tawe mangonggo u kawasa ene si kau, ute mamben tēngadē i kau e tawe makapēngawasa sarang kadodo su watangengku e. Ualingu ene tau-mata ku nēnarakang u iā si kau e, limembong kasēllahe rosane wou rosanu."

¹²Sarangke i Pilatus nakaringihē ene, i sie mēdēdeā dalengu mēliwiru Mawu Ye-

sus. Kai taumatan Yahudi e mēmpēbēbuheang u, "Kereu i Tuang mēliwir'i Sie, ute i Tuang balinewe ringangu Kaisarē! Tau-mata ku mangakun batangengeratu, kai rudoka Kaisarē!"

¹³Ene i Pilatus nakaringihē manga wawera ene, i sie nēbawa e Mawu Yesus sarang likude mase naiangke su kaderan pēgaghu-taēng e su tampa isēsēba Ēmpahē Batu. (Su werang Ibrani isēsēba Gabata.)

¹⁴Tempo ene maraning pukulē mapulo dua ēllo rangē, su ēllo kalamonang Ēllon Salimbangu Paskah. I Pilatusē e

nëbera si sire ene, "Ini e ratung kamene!"

¹⁵I sire mëmpëbëbuheang u, "Pate e i Sie! Pate e i Sie! Kuruse i Sie!"

I Pilatus nakiwalo, "Mihino wue ia manguruisë datung kame-ne?"

Manga imang tēmbonange simimbang u, "Këtaeng Kaisarë e samatang datung kami e!"

¹⁶Tangu i Pilatus e nanarakangken Mawu Yesus si sire, mëdeau ipakikuruisë. I sire nēmpëngalae Mawu Yesus e, ku niwawaen sire.

Mawu Yesus nikuruisë

(*Mat. 27:32-44; Mrk. 15:21-32*)

(*Luk. 23:26-43*)

¹⁷Mawu Yesus simëbangke kapëmasaenge kalung kuruisë sēsane solong tanpa isēsëba "Tampa u Raran Tēmbō". (Su werang Ibrani isēsëba Golgota.) ¹⁸Su tanpa ene i Sie nikuruisë. Piako lai ruangkatau waline nikuruisë; sengkatau su sēmbëka kaihi, sengkatau e lai su sēmbëka koaneng arawe Mawu Yesus e sutaloarane. ¹⁹Su kalung kuruis'u Mawu Yesus tangu i Pilatus nangorongkon pētataingu wohe kerei: "Yesus bou Nazaret, Datun Tau Yahudi". ²⁰Lawo tau-

matan Yahudi e nēmpëbasa wohe ene, batu tanpa u Mawu Yesus e nikuruisë tawë karaune wou soa e. Bohe ene suralungu werang Ibrani, Latin, dingangu Yunani. ²¹Manga imang tēmbonange nēmpëbera si Pilatus, "Abe pamohë u 'Ratun tau Yahudi', kaiso woheko, 'Tau ini e nēbera, Ia e Ratun tau Yahudi.'"

²²Arawe i Pilatusë e simimbang u, "Apan seng taku niwohe e, tatapë kabawohe."

²³Bouten manga soldado e nēmpënguruisë Mawu Yesus e, i sire nēmpangala e pakeang'E. Pakeang ene nipahia i sire epa: ku sengkatau-sengkatau e nakaëba e pēsëmbahageang. I sire nēmpëngala lai kakingkaeng'E. Kakingkaeng ene tawë gepe e, nikahiwu tinalung bou rasi sarang bawa. ²⁴Manga soldado ene nēmpëbisarae sēmbau su waline, "Abe papoto i kite e kakingkaeng ini. Mahie i kite mëkoā lahuri tadeau mënsang i sai wue kahombangeng." Halë ene nariadi tadeau misëhüe apan seng mabawohe suralungu Winohe Susi, u:

"I sire e nēmpëpapahiau pakeangKu, dingangu nēmpëdalahuri baugu kakingkaengKu."

Ku i sire soldado e mang nēmpēkoā kerene.

²⁵ Marēduhu kuruis'u Mawu Yesus e maḥundarisi i ninangu Mawu Yesus, tuaring i ninang'E, Maria kawingi Kleopas, dingangi Maria Magdalena. ²⁶ Ene Mawu Yesus nakasilō e si ninang'E ringangu murit'E kēkapiaēnge ruḍarisi sene, i Sie nēbera si ninang'E, "Inang, ěndaḯ e ana i Ninang."

²⁷ Bōu ene Mawu Yesus nēhengetang su murit'E ene, "Ĕndaḯ i ninangu." Nanēta bōu ene muritē ene, nēnarima i ninangu Mawu Yesus nētana su waḷene.

Kapapohongu Mawu Yesus

(*Mat. 27:45-56; Mrk. 15:33-41*)

(*Luk. 23:44-49*)

²⁸ Mawu Yesus masingka u patiku e seng nasueng koā e, mēdeāu apan seng kabawoḣe suraḷungu Winoḣe Susi e mariadi, i Sie nēhengetangke, "Ia e kai narou."

²⁹ Su tampa ene piako lainu-mang napene u anggorē mahaesē. Tangu wungang sagḣe e nilaehē su anggorē e, ku nituḣe u pon-

doḷu kalun hisop, bōu e niogorē su wiwihu Mawu Yesus. ³⁰ Mawu Yesus e nanēsū e akē u anggorē e, ku nēhengetangu, "Seng naghanapē!"

Mase i Sie nētēngkaḷein tēmbōe ku napohong.

Mawu Yesus nitēka

³¹ Kalawōu mēngangawasang Yahudi e tawe mapulu waḷunangu taumata apan nighantonge mēngkai tatapē kaḡagħantong^j su kalu pinēkēḣusē e su ěllon Sabatē, limemboete lai Sabatē sēnsuḷe ini e kai Ĕllo Mawantugē nanētani. Batuḣu ěllon Mawu Yesus nighantonge nihino sahēllo nakaḷimona wōu Sabatē ene, tau Yahudi e mēdēdorong si Pilatus mēnsang botonge i sire mamēdi laedu taumata apan seng nighantong, dingangu mēlintu u manga maitē e wōu kalu kuruisē. ³² Tangu manga soldado e nahundēnta ku nēmpamamēdi laed'i rēdua maḡagħantong dingangu Mawu Yesus. ³³ Pia i sire nahumpa u anun Mawu Yesus e, tangu i sire nakasahidi e u i Sie seng napohong. Hatede i sire tawe nisēḣu namēdi laed'E. ³⁴ A-

^j kabawiting

rawe sëndihangu Mawu Yesus e nisusu u wěngko kahian sěngkatau wou manga soldado ene; ku nēboangke raha lau u ake.

³⁵ Taumata ku nakasilo hala su kararariadin halē ene, ute kai i sie mēsahidin halē ene, tadeau i kamene maļaing mangimang. Tangu sasahidine e mambeng kahěngang, dingangu i sie masingkau ene kahěngang. ³⁶ Halē ene nariadi e tadeau maghanapē apang maḅawoḅe suralungu Winoḅe Susi, u "Tawē u manga sarang kaḅiongeng sēmbua wou ruhin'E sarung papēdiang". ³⁷ Suralungu Winoḅe Susi e maļaing kaḅawoḅe: "I sire tangu sarung mēmpēmanda si Sie ku seng tinēka i sire".

Pēnanampa Mawu Yesus

(*Mat. 27:57-61; Mrk. 15:42-47*)

(*Luk. 23:50-56*)

³⁸ Bou ene i Yusuf bou Arimatea mēḅedorong si Pilatus tadeau i sie iapakawala mēngalaḅaḅunangu wadang u Mawu Yesus. (I Yusuf ute kai murit'u Mawu Yesus ipēḅēḅawuni, batuu maḅaku u manga mēngangawang Yahudi.) I Pilatus napakawalan sie, ku tamaḅ e i sie

nēngalaḅaḅunangu wadang u Mawu Yesus. ³⁹ I Nikodemus ku naung kaļimoana wou rimēnta su anun Mawu Yesus su tempong hēbi, ku dimaleng sěngkaraḅeng dingangi Yusuf. I Nikodemus kai mēḅēḅawa mur lau u gaharu - pia u manga tēllum puḅo sukilone kawēḅa e. ⁴⁰ I rēdua e nēmpangalaḅaḅe waḅunang u Mawu Yesus e ku mase nipikunge ringangu heka papikunge sěngkawēkisē dingangu manga wēngi e timuhū e tundung pēlaḅēbingu tau Yahudi e. ⁴¹ Su sēmpalangke pinēnggantongang u Mawu Yesus piaḅo winaḅaeng sēmbau. Suralungu winaḅaeng ene piaḅo kubulē buhu sēmbau tawe nipēpake baugu pēnampakeng taumata. ⁴² Uaḅingu kawe masandigē kubulē ene ringangu kawe seng maraning pēnanēḅa u ēllon Sabatē e ute Mawu Yesus e nitamḅaen dēdua sene.

Kubulē ḅa lohone

(*Mat. 28:1-8; Mrk. 16:1-8*)

(*Luk. 24:1-12*)

20 Su kaloēngen Misa, ku deng bēḅang marēndung, i Maria Magdalena e nakoḅ soḅong kubulē. Ene i sie nakasilo

e watu lahēpinge kai seng naenso bou lohangu kubulē e. ²Tangu i sie timalangke nēdea si Simon Petrus dingangu muritē kēkapiangu Mawu Yesus, ku nēbera si sire, "Mawu e seng niala i sire wou kubulē, ku ia e wēga mēnsang i Sie nipello suapa."

³Bou e i Petrus dingangu muritē baline e natamai e solong kubulē. ⁴I rēdua e nahuntalang, kai muritē sengkatau e kai limembon kahawese wou i Petrusē, hakiewen i sie nahumpa kakalimonaēnge su kubulē. ⁵I sie naralinge e suralungu kubulē e ringangu nakasilo e heka kakēngkainge kapapello sene, kai i sie tawe kadionge simuē. ⁶I Simon Petrusē e nakatole e wou likude, apidewe nasuē solong dalungu kubulē e. I sie nakasilo heka kakēngkainge mapapello sene, ⁷Arawe heka bawekisē tembo u Mawu Yesus e tawedise surēduhe, batu kai kadarulung natentani.^k ⁸Bou e muritē ku nakalimona nahumpa u kubulē e maiaing nasuē dingang. I sie nakasilo ringangu nangimang. (⁹Sarang tempo ene i sire reng bēdang ta nakaenna apan mabawohe suralungu Winohe Susi u i Sie harusē mēbangung bou papa-

te.) ¹⁰Bou ene muritē darua e nēngkapulē.

Mawu Yesus napasilon batangeng'E si Maria Magdalena

(Mat. 28:9-10; Mrk. 16:9-11)

¹¹I Maria Magdalena e rudarisī su tēngon kubulē e kasangi e. Pia i sie susangi e, i sie rimalingeko solong dalungu kubulē, ¹²mase i sie nakasilo malækatē duangkatau pakeange mawira. I rēdua mahungkaiang su pia ēnau tampa u walunangu Mawu Yesus, sengkatau su pia tēmbøe, arawe sengkatau lai ute su pia laede. ¹³Manga malækatē e nakiwalō e, "Inang, kawe susangi unue i kau e?"

I Maria simimbang, "Kai pia u nēmpēngala Mawuku e, dingangu ia bēga mēnsang i Sie kai nipello suapa."

¹⁴Bouten nēbera kerene, i sie nēbihue solong likude kutēu kawe nakasilo Mawu Yesus rudarisī sene. Kai i sie wēga wue u ene kai naung Mawu Yesus. ¹⁵Mawu Yesus nakiwalō si sie, "Inang, kawe susangi unue i kau e? Kai i sai rēdeakengu e?"

I Maria e mangiraling u tau ene kai mēlahēsinuang ku i sie

^k kaahae

něbera e si Sie, "Opō, kamageng u kai i Opō nēngaling i Sie wou i-ni e, ute tulungko pauli si sia, kai nipello i Opō suapa i Sie tadeau ia makaala bue."

¹⁶ Mawu Yesus nēhengetang si Sie, "Maria!"

I Maria nēbihi solong anun Mawu Yesus ku nēbera su werang Ibrani, "Rabuni!" (Mangalene "Mananēntiro".)

¹⁷ "Abe pēnenggehē si Sia," unguēngu Mawu Yesus si sie, "ualingu Ia e kai wēdaweng tawe natarai solong anung Amang. Kaiso rakoe kakoa solong anun manga ana u sēmbauKu, ku pēhabarēko si sire u Ia kai reng matarai solong anung Amang-Ku dingangu i Amang i kamene, DuataKu ringangu Duatang kamene."

¹⁸ Tangu i Maria e rimalengke nēhabarē su manga murit'u Mawu Yesus u i sie kai seng nakasilo Mawu ringangu Mawu e seng nēhengetang u kēbi ene si sie.

Mawu Yesus napasilon batangeng'E su manga murit'E

(*Mat. 28:16-20; Mrk. 16:14-18*)

(*Luk. 24:36-49*)

¹⁹ Su ellon Misa lai ene, ku nahēbie, ute manga murit'u Mawu Yesus nēmpēkomolē su wale sēmbau ku manga tukade kapapale, batuu i sire kai matakū u manga mangangawang Yahudi. Sēngkalēndiu Mawu Yesus narēntae ku dimarisi su taloaran sire apidu nēhengetang, "Karalunsemahē si kamene."

²⁰ Bōuten nēhengetang kere-ne, i Sie nanodeen liman'E ringangu sēndihang'E. Su tempōen i sire nakasilo Mawu e mēngkate apa maraluasē. ²¹ Mase Mawu Yesus saūewe nēhengetang sēnsule, "Karalunsemahē si kamene. Kerewe i Amang dimoloh'u Ia, ute kerene lai Ia e dumoloh'i kamene." ²² Bōu ene i Sie nēniū u singongan'E si sire ringangu nēhengetang, "Pēmpēnarimae Rohkē Susi. ²³ Kereu i ka-

mene mēmpangampungbe rosan pēsēngkatau e, Mawu Ruata e maļaing mēgēlliū ampunge. Kereu i kamene tawe mēgēlliū ampung rosan pēsēngkatau e ute Ruata e maļaing tawe mēgēlliū ampunge.”

Mawu Yesus dēduan Tomas

²⁴I Tomas (nisēba si ”Hindu”), sēngkatau wou i sire mapulo dua murid’u Mawu Yesus, tawē dise sutaļoaran murid’E waline su tempon Mawu Yesus dimēnta. ²⁵Tangu manga murid’u Mawu Yesus baline e nēmpēbera si Tomasē e, ”I kami e seng nakasilo Mawu!”

Arawe i Tomasē e simimbang, ”Kereu ia e wēdang tawe nakasilo ēnna paku su ļiman’E, ringangu tawe nakapēnuhing taļimēdoku su ēnna u lese u paku e ringangu tawe nakapēnenggehu ļimaku su sēndihang’E, ute ia mang bēdang tawe mangimang.”

²⁶Sēngkamisa tuhu e manga murid’u Mawu Yesus natampung kapia su tampa ene, dingangu i Tomasē e maļaing ene. Kalawou tukadē e mapapale. Kai

Mawu Yesus e natēntung ku dimarisi sutaļoarang sire, mase nēhengetang, ”Karaļunsemahē si kamene.” ²⁷Bou e Mawu Yesus nēhengetang si Tomasē, ”Kakēlla e limaKu, ku suhi e taļimēdonu e sini. Ogorē ļimanu ku pēnaghipo sēndihangKu. Kuhæ mēndapatē,¹ kai pangimangke!”

²⁸I Tomasē e nēbera su Mawu Yesus, ”Mawuku, ore Ruataku!”

²⁹Tangu Mawu Yesus nēhengetang si sie, ”I kau e nangimang batuu seng nakasilo si Sia, arau ēng? Kariangkamang taumata ku mangimang manilaing tawe nakasilo si Sia e!”

Timonam bukē ini

³⁰Lawo ļai wēdang tanda makaļaherang baline e kinoa u Mawu Yesus su tēngon manga murid’E, kai tawe niwēbohe suralungu bukē ini. ³¹Kaiso patiku ini e niwohe, tadeau i kamene mangimang u Mawu Yesus e kai Ratu Mēnanaļamatē, Ahus’u Ruata, ku ualingu maņgimang si Sie, ute i kamene makahombang pēbawiahē.

¹ delaing ria-ria = jangan ragu-ragu lagi

Mawu Yesus napasilon
batangeng'E su murid'E
pitungkatau

21 Bõu ene Mawu Yesus napasilon batangeng'E kapia su ranong Tiberias su tẽngon manga murid'E. Kereini katatainge: ²Su sahẽllo, i Simon Petrus, i Tomas nisẽba si Hindua, i Natanael bõu Kana su Galilea, manga ana i Zebedeus, dingangu murid'E rarua waline kapẽtẽtam-punge. ³Ungkuẽng i Simon Petrus su manga ringange, "Ia e kai mapulu sasae mẽpakisaghe."^m

"I kami e tumole," unguẽng i sire si sie. Tangu sasae e i sire nẽmpẽsake sakaeng. Kutẽu kandanuwẽn hẽbi ene i sire tawe nakasoma apa-apa. ⁴Ene saraeng matangẽllo e kasẽbange, Mawu Yesus e rimarisi su apeng, kaiso i sire wẽgawue u ene kawẽ Mawu Yesus e. ⁵Mawu Yesus nẽhenge-tang si sire, "E, manga ana, piabe kinã i kamene?"

"Tala," unguẽng i sire.

⁶Mawu Yesus nẽhengetang si sire, "Tẽntangko somang kamene su koaneng u sakaeng, ku i kamene sarungbe makaẽba kinã." Tangu soma e nitẽntangken si-

re, kai tawe nakaumalẽ sau nẽmoleng ualingu kalawõu kinã suralunge.

⁷Muritẽ ikẽkẽndagu Mawu Yesus e nẽbera si Petrus, "E pai Mawu!" Pia e i Simon Petrus nakaringihẽ u pai ene kai Mawu, ute i sie nẽluhẽen pakeange (batu i sie kai tẽntole) mase timumpa e su ake. ⁸Muritẽ baline e nẽmpẽtole sarang dulunge ringangu sakaeng kapẽmolenge soma napenẽ u kinã. I sire tawe tumanju marau wõu rulunge lẽnnaẽng mangawe kẽtau mahasu su metere karaune. ⁹Ene i sire natumpae wõu sakaeng, tangu i sire nakasilõẽ tẽtuhi putung ku pia kinã maðalẽngkang su wowone ringangu borotẽ. ¹⁰Mawu Yesus nẽhengetang, si sire, "Kẽnangko ramahi pẽbawa manga pirambua kinã buhu nisame i kamene."

¹¹I Simon Petrus tangu simake e su sakaeng, ku nẽmoleng-ke soma sarang dulunge. Soma e mẽngkatewe napenẽ u kinã gaghaghuwa; kẽbi e mahasu limam pulõ tẽllu su wuane. Ku maning kinã maławõ kerene, kai soma e tawe naghẽde. ¹²Mawu Yesus e nẽhengetang si sire, "Mahi e

^m mẽname kinã = menangkap ikan

21:3: Luk. 5:5 21:6: Luk. 5:6

i kite mēsिमokolě.” Kai mang tawę u sęngkatau wou i sire manga murit'E wahani makiwało u, "I Tuang kai i sai?" Batu u i sire masingka u i Sie kai Mawu. ¹³Tangu Mawu Yesus himaungke si sire ku nęngala e borotę ene, bou e nęngonggo si sire. Ku i Sie małaing nękoą kerene su kina e-ne.

¹⁴Ini e kai katęllun sulene Mawu Yesus napatode u watangeng'E su manga murit'E samurin i Sie niapębangung bou papate.

Mawu Yesus dingangi Petrus

¹⁵Bouten i sire nahungkaęng, tangu Mawu Yesus nęhengetang si Simon Petrus, "Simon, ana i Yona, i kau kukęndagęben Ia li-membo wou i sire ęndaį e?"

"Tęngadę Mawu," unguęng i Petrus, "Mawu e masingka u ia kukęndagęben Mawu e."

Mawu Yesus nęhengetang si sie, "Tangkianeko" manga dombaKu."

¹⁶Su karuan sulene Mawu Yesus nakiwało si sie, "Simon ana i Yona, i kau kukęndagęben Ia e?"

"Tęngadę, Mawu," unguęng i Petrus, "Mawu e masingka u ia kukęndagęben Mawu e."

Mawu Yesus nęhengetang si sie, "Tangkianeko manga dombaKu."

¹⁷Katęllun sulene Mawu Yesus nakiwało si sie, "Simon ana i Yona, i kau kukęndagęben Ia e?"

I Petrus męngkate masusa naunge u Mawu Yesus kawę nakiwało si sie sarang katęllun sulene. Tangu i Petrus nęsauewe simimbang, "Mawu, Mawu e masingka u kaławou kębi. Mawu e masingkaben ia e kukęndag'u Mawu e!"

Bou e Mawu Yesus nęhenge-tang si sie, "Tangkianeko manga dombaKu. ¹⁸Tęnga-tęngadę baweraKu ini: Su tempon i kau reng umbaseng, i kau sęsanu męngkate mamęgong kału-waengu, ku męngkawę mędędaralęng balawe sołong tampa sude tuhęwe kapulunu. Arawe kamageng i kau seng maghurang ute, i kau męngogoru limanu ku taumata waline mamęgong i kau ringangu mębawa si kau sołong tampa ikękadirinu." ¹⁹(Dingangu manga wawera ene Mawu Yesus męlęlahęu kereapa i Petrus sarung mate ualingu pęmamantugę

ⁿ Lukade, lukare, paduļie = Peliharalah

Duata e.) Bõu ene Mawu Yesus nëhengetang si Petrus, "Toļe e si Sia!"

Mawu Yesus dingangu manga murit'E waline

²⁰ Su tempong i Petrus nēbi-hu solong likude, i sie nakasilo muritē ikēkēndag'u Mawu Yesus. (Seng i sie kūkaiang su rēduh'u Mawu Yesus kapēsēsिमोक़े kū nakiwalo si Sie, "Mawu, kai i sai sarung mēbaļu u Mawu e?")

²¹ Nakasilo si sie, i Petrus nakiwalo su Mawu Yesus, "Mawu, kai kereapa wue i sie ini e?"

²² Mawu Yesus e simimbang, "Andene Ia mapulu tadeau i sie k̄atanaḡ biahē sarang Ia marēnta, ene e walineḡ halē u. Kai i kau e, toļe e si Sia!"

²³ Tangu nakeķe e habarē su taļoaran manga murit'u Mawu

Yesus, u muritē ene e tawe mate. Sēmbaļiau Mawu Yesus e tawe nēbera u muritē ene tawe mate, kaiso kai: "Andene Ia mapulu i sie k̄atanaḡ biahē sarang Ia marēnta e, ene walineḡ halē u."

²⁴ Muritē ene e mēsēsahidi maḡanung kēbi halē ini e. Maļaing i sie seng namohē u ene. Dingangu i kite kēbi masingka u apan seng nipahumbisarine ene mambeng tēngadē.

Bawera pēngēsueēnge^o

²⁵ Bēdangbe lawo lai halē baline kinoa u Mawu Yesus. Andene kēbi e mang bohe-kang e sēmbau-sēmbau, ute taku lēēnnaēng u maningbelain dunia sēmbau e kai tawe kapēkionangu kaļawou bukē kū sarung bohe-kang e.

^o pinamondolē = terakhir